

7pm - 7am

19¢

per MB

ENJOY OFF PEAK INTERNET RATE

TELKOM PNG Always there

347 Customer Care Call 345 6789 or www.telkompng.com.pg

SIZZLING HOT INTERNET FONES

Klim wampela bio ol dispela internet fones na sekim internet wantaim 3G speed.

Sizzling Deals wantaim Digicel tasol



ALCATEL OF-978
Facebook, MP3, Email, YouTube, Google Talk
K149




MOTOROLA BREA
Facebook, Instagram, MP3, MP4, Email, YouTube, Google Talk
K179



BLACKBERRY 9320
Email, Facebook, MP3, MP4, YouTube
K499

Digicel



**Ren
ronim
em...**

Sabsidi mani i redi

...Skul benk akaun na sensus ripot i bikpela samting

Veronica Hatutasi i raitim

- K652 milian em manimak gavman i givim long karamapim Skul Sabsidi long inapim Fri Edukesen Polisi bilong gavman long dispela yia;
- Long 11,000 skul long kantri, 6,500 skul i stat long elementeri-Gret 12, vokesenel na ol pemitit skul bai kisim K213 milian sabsidi mani long ol benk akaun bilong ol;
- 5000 skul no nap kisim ol skul sabsidi inap ol i statim sensus rekot na ol benk akaun bilong ol. Olsem ol bai kisim mani bihain long mun Mas;
- 1.3 milian sumatin bai kisim helpim;
- 5-pela man komiti i wok long ol samting bilong rausim OBE bai redi na TOR bai redi long mun Me dispela yia; na
- Wok painaut long Gret 12 stil pasin long fainol tes i go het, tasol dispela i no namba wan taim.

OLGETA skul long kantri i mas gat benk akaun na tu, 2012 skul sensus ripot, long kisim fri skul sabsidi na fri tusen fi mani bilong ol long dispela nupela 2013 skul yia.

Eking Edukesen Minista na Minista bilong Fainens na Plening, James Marape i tok olsem long dispela wik Tunde taim em i tokaut long K238 milian we ol skul i kisim olsem namba wan hap long K652 milian O'Neill na Dion Gavman i bin katim long 2013 baset bilong inapim fri edukesen polisi.

"Askim i go long ol skul edvaisa long ol provins long kisim olgeta ripot bilong ol benk akaun na ol 2012 skul sensus na salim i kam na Edukesen hetkota long Waigani i mas kisim long tumora Fraide.

I go moa long pes 15

LUKAUT: Taim bilong bikpela ren, haiwara na graun bruk i ken mekim ol kain wel abus olsem dispela snek moran i painim ples long slip. Dispela snek Nase Paul Metta i holim, i bin painim ples bilong slip na go insait long haus bilong en.

Lukim stori long PES 4



More Easy, More Tasty, More Energy

CORNED BEEF WITH CEREAL




...the perfect choice




Gavman i luksave long ol meri wok

David Bill Leo i raitim

MAKIM bilong Sip Ombudsman Komisen i soim olsem PNG Gavman i nau luksave long ol wok bilong ol meri insait long kantri.

"Planti taim yumi save hat long lukim ol meri gat sens long holim dispela kain posisen we ol meri gat save long sevis bilong eksektiv posisen," Ekting Sif Ombudsman Komisina, Phoebe Sangetari i tok bihain long sainim promis na kontrak bilong em wantaim Gavana Jenerel, Se Michael Ogio long las wik Fonde.

"Mi gat bikpela amamas long tok tenkyu long Prais Minista olsem siaman bilong komiyuti memba insait long dispela ogenaísesen gat stropela bilip na makim mi long eksektiv posisen.

"Mi promis long ol bod na

komiyuti memba long Ombudsmen Komisen na pipel long Papua Niugini olsem mi bai traim olgeta strong bilong mi long sevim pipel wantaim nogat wari na pore," Sangeitari i tok.

Dispela em i namba tri taim bilong em na namba tu meri long kamap ombudsmen bihain long Misis Jean Kekedo insait long istori bilong PNG Ombudsmen Komisen.

Bihain ol i makim em olsem ombudsmen komisina, bipo em bin wok olsem sinia ligel opisa long ombudsmen komisen long Papua Niugini, ligel opisa wantaim Dipatmen bilong Envairomen na Konsevese, na Depyuti Rejistra wantaim Dipatmen bilong Mining.

Na tu em wok olsem asisten sekreteri - Legal na Kontrak wantaim Dipatmen bilong Pesenel Manesmen, Dairekta

Sinia Eksektiv Sevis wantaim Dipatmen bilong Pesenel Manesmen na Depyuti Stet Solisita (Intanesenel Loa na Humen Raits) wantaim Dipatmen bilong Jastis na Atoni Jenerel.

Em i tok olsem ombudsmen komisen gat olgeta samting long wok na i gat inap save man na meri long bungim ol nupela salens long kantri.

"Wok bilong mi, em long lidim dispela ogenaísesen long dispela kain taim. I luk olsem ol man i no luksave long save na strong bilong ol meri i kam inap taim ol gat sens long prufim," Em i tok.

Sagetari itok olsem dispela makim i soim olsem gavman i luksave na i gat bikpela bilip long ol meri na ol inap long prufim sapos ol i givim senis long wok plen bilong developim kantri.



Sif Acting Ombudsmen Komisina, Phoebe Sangetari, na Gavana Jenerel, Se Michael Ogio i sainim wok kontrak bilong em long Gavman Haus long Pot Mosbi. Staf fail foto

Sosel Demokretik Pati Saptim PM

David Bill Leo i raitim

SOSEL Demokretik Pati (SDP) aninit long lidasip bilong Powes Parkop, Gavana bilong NCD, i sapotim Prais Minista, Peter O'Neill long mupim bod ov no konfidens inap long 18-30 pela mun, em stret.

SDP pati gat tripela memba - Minista bilong Spots na MP Justine Thatchenko, na memba bilong Wasera Gawi, Yopi Yopi wantaim lida bilong pati, Powes Parkop.

Parkop na Thatchenko i tokim ol niuslain long Mande olsem SDP i gat bilip olsem

ol pipel i no putim tras ol lida husat i no inap long sanap wanem disisen ol i mekim long en.

2013 em i yia bilong karimaut wok, na sapos i gat sampela hevi o distep kamap long namel bai senisim rot bilong dispela gavman wantaim wok plen bilong en.

Pati i tok promis long sapotim na mekim gut long wok i mas gohet long givim sevis na bai no gat hevi kamap long namel.

Pati lida, Powes Parkop i tok olsem SDP bai sanap baksait long lidasip bilong Prais Minista, Peter O'Neill bikos loa mas sapotim

sanap bilong politikol pati na i no ken larim long an bilong ol politisen.

Dispela i bin lukim long abrus stabiliti na strong long Palimen na wok bilong gavman bin jasim bihain long 2-3 pela krismas olsem long Australia.

Suprim kot bin rausim integriti bilong politikol pati bil we em i oraitim ol politisen long wokim disisen long strongim ol, em i bagarap bikos em i lukautim stabiliti taim pati i sanap yet.

"Olsem pati, SDP i lukim bikpela piksa long karimaut wok wantaim long bilim kantri olsem na em askim olgeta pati na ol politisen

sanap olsem wanpela long stability.

"Nau long dispela taim, kantri i nidim politikol satbiliti moa na moa yet, bikos long ol developmen, progres na groa blong ekonomik em i klia," Parkop i tok.

Em i tok olsem SDP i sapotim Prais Minista bikos em i no tingim praivet bisnis. O'Neill bin tok olsem sapos em i no wok gut, em bai pes man long putin an i go antap na step daun na SDP bai sanap baksait long dispela velu.

Thatchenko i soim amamas long Prais Minista Peter O'Neill long pes taim minista bilong stet.

Em i tok promis long sapot na yusim olgeta strong bilong en long wokim wok plen na projek bilong gavman we stap aninit long pawa bilong em.

NCD Gavana na lida bilong SDP, Powes Parkop na Minista bilong Spots, Justin Thatchenko i kliaim tok bilong pati long sapotim Prais Minista, Peter O'Neil. Foto: Nicky Bernard

Ol loya bai kamapim nupela asosiesen

SAMPELA Loya long Papua Niugini bai kirapim gen wanpela nupela asosiesen we ol i gat dispela tingting kamapim asosiesen bilong ol loya i bin stap long 2005 tasol i no bin kamap yet.

Ol loya bin bung long Hide Away Hotel long las wik Tunde long toktok long wanem wok plen dispela asosiesen bai karimaut.

"Dispela asosiesen, bai kolim "PNG Bar Asosiesen" olsem em bai no inap wok wan kain olsem PNG Loa Sosaiti," Interim president, Ralph Saulep i tok.

Em i kliaim olsem PNG Loa Sosaiti i sanap aninit long Lawyers Act 1986, we em gat wok bilong gavman long lukautim ol profesenel stendat na polisi insait long wok bilong ol loya.

Tasol Bar Asosiesen em bilong ol loya na em bai makim maus long ol memba bilong en insait long legal indastri.

Saulep i tok olsem kainkain developmen insait long wan wan sekta (pablik na praivet) namel long wok indastri bilong kantri, ol loya tu mas gat wanpela mausman olsem ol arapela wok fos olsem dokta, ejinia na pailot.

"As wok bilong PNG Bar Asosiesen em long makim ol memba bilong en long ol bisnis insait long wok, welfe bilong ol, na lukautim wok na laik bilong ol.

"Na tu dispela asosiesen bai lukluk long polisi bilong loa i afektim ol ausait wok bilong ol loya olsem na bai ol i gat sans long tokim taim kantri i bungim hevi," Saulep i tok.

Em i tok olsem stap long grup, bai inap long tokaut long ol hevi bilong kantri na wok wantaim PNG Loa Sosaiti long developim profesenel trening program we em sapotim positif wok ples we ol loya i ken painim kaikai long wok bilong ol.






FOR ALL YOUR MACHINERY NEEDS



SIMPLICITY BY DESIGN

- 3CX - 4CX BACKHOE LOADERS
- JS200C SC HYDRAULIC EXCAVATOR
- SMOOTH - PADFOOT DRUM COMPACTORS
- TELEHANDLERS
- ROUGH TERRAIN 4WD FORKLIFTS



machinery@agmark.com.pg

PORT MORESBY 323 5572 | LAE 472 6324 | KOKOPO 982 8748

Pait wantaim polis em nomol laip bilong mi

David Bill Leo i raitim

POLIS i save raunim ol strit sela o buai lain olsem ol pik dok, tasol dispela i no lukim wanpela tenis o mekim orait laip bilong ol manmeri stap long Mosbi siti bihain long planti krismas.

"Kadre, pait wantaim ol polis long Mosbi siti i kamap nomol long laip bilong mi na mi no wari moa long dispela" wapela strit sela i tok.

"Mi wanpela strit sela long Mosbi siti na mi winim 10-pela krismas long pait wantaim polis i no long narapela samting tasol long salim buai na simuk.

Em i tok olsem dispela kain pasin long strit i kamap olsem nomol wok na pasin bilong em bikos em save tingim au em lusim ples na kam long Mosbi na i no laik go bek long ples.

Em i stori, "nem bilong mi Michael Ipu Kaekin, na mi bilong Wabag long Enga provins. Mi i no skul man na mi no save long tok Inglis na pidgin tu.

"Mi save stap long ples na harim planti stori bilong ol lain husat i kam long Pot Mosbi na mi save tokim mi yet long lewa olsem wanpela taim bai mi lukim Mosbi siti yet."

Planti taim, em bin traim olgtela samting long painim mani long baim balus tiket long kam long Mosbi tasol no inap na strong bilong em save pinis. Nogat wanpela man i luksave long laik bilong em long kam long Mosbi.

"Wampela de, mi karim wanpela K2 na go pilai 20 toea kas long maket. Laki na mi winim K50 long apinun. Neks moning, mi kisim K20 bas na go daun long Goroka na slip wantaim wanpela tambu long hap.

"Long moning, mi giaman long em olsem mi laik go lukim anti bilong mi long Lae

tasol em i no givim wanpela mani long mi," Kaekin i tok.

Kaekin i tok olsem em go i kamap long Lae wantaim las K10 tasol long poket na tu em no gat wanpela wantok long hap.

Laki olsem em bin bungim wanpela lapun meri long Eriku maket (em tu bilong Wabag) na em (Kaekin) i stori long em na lapun meri i kisim em go long haus bilong lapun.

Oi Wabag bin wokim haus lain long hap na Kaekin bin joinim ol strit mangi na stap olsem 8-pela num nabaut long Lae, painim rot bilong em long Mosbi.

Wanpela taim, em harim stori olsem sampela mangi laik long Mosbi tu na em wantaim 11-pela mangi bin bungim tok na plen long wakabaut kam olsem long Kokonda Trek.

Oi kisim sip i go olsem long Popondeta na slip wantaim sampela wantok long hap. Neks de, ol baim wanwan katen bisket, pulapim long treveling bek, na kalap PMV daina na kam long Kokonda Trek get.

"Mipela wokim 12-man (4-pela Tari, 2-pela Goroka, 1-pela na 4-pela Wabag wantaim mi) Trek long Kokonda rot na slip tupela nait long rot we i gat pulap long snek, moskito na traipela graun malomalo.

"Nau ol wait man na planti manmeri save go na kam wokim Trek long hap na olsem rot i kamap klia na orait long wokabaut. Mipela kamap long Sogeri Skul get long namba tri de wokabaut long Trek bilong mipela na lukim Mosbi long pes taim.

"Mi krugutim Pot Mosbi long 2003 na dispela em i 10-pela krismas bilong mi long Mosbi na mi save go long ples olsem wanpela visita.

"Bipo mi save ting olsem Mosbi siti i gat olgeta samt-

ing stap fri tasol i no olsem na pes taim mi kam, mi stat long salim buai na simuk long 4-mail seken-en maket bastop," Em i tok.

"Taim ol rausim seken-en maket long hap, ol polis larim mipela ol buai lain long salim baksait long Pos Opis, tasol bihain ol i rausim gen.

"Polis i rausim buai maket long olgeta hap long Mosbi siti na mipela painim at stret long maket. Mi strongim sait na karim buai – simuk raunraun na salim long bastop

olsem Tabari, Godons, na Waigani.

"Mekim olsem go na mi wokim wanpela liklik haus long Waigani Arts setelmen. Nau mi marit na gat tupela pikinini wantaim meri bilong na tu mi lukautim sampela watok long haus.

"Polis i raunim mi olsem pik na dok tasol em i hat long lusim bikos maket em i gaden bilong mi we olgeta de mi save kisim kaikai long lukautim family bilong mi.

"Mi save pait wantaim ol

polis na planti taim polis kalabusim mi long salim buaisimuk na sample taim ol polis i rausim bikpela mani wantaim buai na simuk (olsem K1,000-K2,000) samting," Kaekin i tok.

Polis save mekim dispela kain pasin long olgeta maket lain long strit tasol antap long dispela, ol save braipin ol polis long kam ausait long jel.

Em i stori olsaem dispela i kamap nomol laip long em na tu long olgeta maket lain husat stap long siti.

Em i tok olsem populesen insait long eben setelmen long Mosbi siti i liv long maket na ol wok lain tu i defen long maket lain na tu ol wok manmeri save bungim mani long ol maket lain na taim ol stopim maket lain em bai olsem wanem.

Kaekin i sori olsem gavman tu gat asua bikos i nogat wanpela gutpela ebenasesen polisi na plen long kontrolim bikpela populesen long taun na siti olsem pipel bilong gavman.



BUAI: Polis bin stopim buai maket insait long siti aninit long lidasip bilong NCD Gavana, Powes Parkop tasol ol maket lain i wok long painim spes long mekim ol deli sels. Michael Ipu Kaekin i apim 10kg buai bek, redi long salim baksait long Ten Treding stoa long Godons, Pot Mosbi.

BACK TO SCHOOL IN 2013 WITH A BSP PERSONAL LOAN

BACK TO SCHOOL

Find Us On:

Apply Now for a BSP School Fee Loan!

- ✓ Fast loan approval
- ✓ Competitive interest rates
- ✓ Flexible repayment terms

Call us on 320 1212 / 7030 1212 Visit www.bsp.com.pg Email servicebsp@bsp.com.pg

TELI Apdeit

Ol wail-laip tu kisim taim long Ren

HAIT NA PAINIM

Wanpela laki wina bai wok-about wantaim K600 na wanpela bren nu Citifon mabail hansen sapos em i painim Telikom Soka Bal ol i haitim raun long Pot Mosbi tude.

Putim iau long HOT 97FM bilong kisim klu o stia bilong painim bilong tude.

BIKPELA ren i wok long pun-daun long planti hap bilong PNG, bikos em i taim bilong ren, na i mekim ol wara i solap na kamapim ol hevi na bagarap.

Nau yet, planti manmeri i lusim ol haus, gaden, pik-dok na ol arapela long ol wail laip, na ronawe nabaut.

Ol wel abus olsem ol eni-mol, pisin, snek, na ol rat tu i painim ples nau.

Ren, haiwara na graun bruk i wok long bagarapim ol haus slip bilong ol insait na

antap long graun, gras, diwai, bus, wara na maun-ten.

Mekim olsem, na ol tu i kamaut na raun painim ol ples bilong hait na i stap sef we ol i ken abrusim hevi bilong ren, haiwara na graun bruk.

Na tok lukaut i go long ol manmeri nau olsem ol i noken kirap nogut long lukim ol wel abus i krol i go insait long haus bilong ol long dispela taim bilong ren.

Long Fonde nait long wik i go pinis, wanpela long dis-

pela ol wel abus em snek o moran, i bin painim drai ples na krol i go insait long rum-slip bilong Sape Metta na famili bilong em long Goroka setelmen, long Goroka, Isten Hailans.

Metta em nius ripota bilong *Wantok Niuspepa* bes long Goroka.

Yangpela moran, longpela bilong em 2.6 mita, i krol i go insait long bedrum na kaikaim lek bilong Metta, tasol laki olsem em i no poisin snek.

“Long dispela nait, pawa i bin go aut (blekaut) na i stap olsem moa long 30 minit, olsem na mi bin go insait long bedrum long painim sutlam. Taim mi go insait long rum, snek i kam insait pinis na i redi i stap long straikim mi. Na em i kaikaim mi antap long bikpela tou nel bilong mi. Em i blek aut yet so mi ting em mas ting em mas rat o samting, tasol bi-hain long mi kisim sut lam na soim i go – i kam long rum, mi kirap nogut long lukim

moran i krol na raun insait long rum. Na mi tingim olsem em tasol i kaikaim mi pinis, na olsem wanem em i kam insait long rum,” Metta i tok.

Em i tok ol famili kamap na banisim moran na holim pasim em, putim em insait long basket na long moning taim ol i rausim na larim em i go bek long bus-ples we ol i ting olsem em i bin krol i kam long en. Em i wanpela ekpiriens Metta i no nap lusim tingting long en.

TELIKOM NSL SISEN 2013

Nesenel Soka Lig Sisen 2013 bai ol i lonsim dispela wik Sarere long Sir John Guise Stedium wantaim bikpela amamas na faia-woks long nait.

Bringim famili na stap insait long dispela bikpela entatenmen taim. AIM HAI!

BEK TU SKUL

Top ap wantaim K20 o moa long wanem Telikom pripeid prodak na go insait long droa long winim kes prais inap long K500 olgeta wik.

Olgeta wik, bai mipela droim tenpela laki wina.

Bikpela prais em wanpela leptop plas intanet dongle wantaim 300MB.

19t/MB

Amamas wantaim 19 toea of pik intanet ret long 7kilok nait i go inap 7kilok moning.

Fri 300MB Daunlod

Baim wanpela intanet dongle long K99 wantaim FRI 300mb Daunlod.

4G WiMax Ofa

Kisim 1GB FRI Daunlod long olgeta 4G WiMax yu baim long K499 na lukim spid bilong namba wan spid 4G WiMax long PNG.

Winim Drim Kar bilong yu Promosen

Bikpela tok amamas i go long Ogan Fredah Benny bilong kamap wina bilong mun Desemba. Fiks Wai-ales Fon namba bilong Fredah ol i droim olsem wining namba las wik. Em i draiv i go insait long nupela yia wantaim wanpela kar em yet i laikim, na manim mak bilong en inap long K25,000 i kam long Telikom PNG. Win bilong Fredah i pinisim dispela promosen we i ron wanpela yia tasol, long las yia.

Long kisim moa toksave, ringim 24/7 Kastoma Ke long 3456789



TRENING: Ol polisman i stap long trening na hia, ol i kisim trening long gan. *Poto: Polis Midia*

Promoting Effective Public Expenditure in PNG

2013 NATIONAL BUDGET FORUM

7 February 2013 | NRI Conference Centre | 9.00am-2.00pm

THE National Research Institute (NRI) and the Australian National University (ANU) Development Policy Centre are jointly undertaking a three year Promoting Effective Public Expenditure in PNG (PEPE) project on how PNG allocates its public money. This will include an analysis of the effectiveness of its public expenditure in key service delivery sectors. The objective of the PEPE project is to inform PNG's political and bureaucratic leadership, civil society and the general public of current levels of service delivery performance, and influence allocations and expenditure rules to promote better allocations and more effective and transparent expenditure. The PEPE project consists of two inter-related research components.

Budget Analysis – This component focuses on understanding how PNG allocates its public resources at a macro level. The approach is to facilitate systematic and ongoing analysis of key aspects of the PNG budget, including the allocation of funding between the development and recurrent budgets, between and within sectors, and between levels of governments.

Understanding Local Expenditure Dynamics – This component focuses on how a number of key expenditure reforms perform in terms of getting funds and resources to the local level, and the factors that explain the observed performance at this level. The expenditure reform areas proposed for analysis are facility grants to schools, textbook distribution and outsourced drug provision to health facilities. The findings of the PEPE project will be presented at bi-annual budget forums.

The focus of the **Budget Forum** on **7 February** is to support the implementation of the 2013 National Budget so that better outcomes are achieved for the people of PNG. According to the 2013 National Budget, expenditure will increase by over K13 billion – an overall increase of 23 per cent – with the aim of substantially improving service delivery in the priority sectors of health, education, transport infrastructure, and law and order. Despite this, the general view has been that large budgets over the last ten years have seen limited impact on the ground with worsening infrastructure and socio economic indicators.

Key speakers at the forum will explore why previous efforts to improve service delivery in the past were ineffective, and identify corrective measures for Government to adopt in order to ensure that the 2013 and future budgets are more effectively managed to realise desired outcomes.

The Forum will also include a session on a recently completed PEPE survey of education and health facilities across 8 provinces in PNG. Members of the PEPE survey team will discuss their experiences in the field in relation to the opportunities and challenges faced in the frontline of service delivery in PNG.

All welcome to attend, but by prior reservation: Contact Andrew Mako on Email: amako@nri.org.pg or Ph: 326 0300 Ext.331 or Eunice Kivan on Email: ekivan@nri.org.pg or Ph: 326 0300 Ext.345.

www.facebook.com/PNGPEPE

Polis nogat gutpela wok bung na trening

... Komanda Kambo i tok

I NOGAT inap trening na timwok o wok-bung bilong ol polis fos, deputi komanda bilong NCD-Sentrel Sif Suprintenden, Norman Kambo i tok, EmMista Kambo i wokim dispela toktok long taim ol i pasim wanpela wik opisel trening woksop long Sentrel Polis pesenal long Bautama Polis Stesen insait long Sentrel Provins.

Ol Provinsal Polis Komanda long Sentrel Provins bin sindaun long trening woksop we Sif Inspekta Ndrau Perou i bin go pas long en.

Dispela trening i bin skulim ol polis long yusim ol gan na stretim ol pait, moa yet long taim bilong holim sampela lain kalabus.

CIP Perou i kisim sia olsem Provinsel Komanda (PPC) tupela mun i go pinis, na i lukim olsem i nogat gutpela trening o wok-bung.

Narapela samting tu em long rereim long we bilong holim gan taim ol bikpela hevi ikamap.

Mista Kambo i tok, i gutpela long ol polis opisa long wokim gan trening tupela taim long olgeta yia.

Olsem long olgeta provins, Sentrel Provins i sot long wokman.

PPC Perou i laik bildim wanpela maltitas polis yunit long Sentrel Provins we olgeta polis opisa i ken helpim taim hevi i kamap.

PPC Perou nau yet bai makim NCD olsem Superintenden Operesen long tupela wik i kam.



Pren bilong olgeta, na no birua bilong wanpela

Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.



DISPELA hap tok, em i as tok bilong foren polisi bilong Somare gavman long taim bilong 'self gavman' long eli 1970s, pastaim long kantri i kisim independens. Na long dispela taim, foren minista bin leit Sir Ebia Olewale. Mipela i harim stori olsem gavman nau i bihainim dispela hap tok tu olsem as bilong foren polisi bilong en, long Alotau, pastaim long fomesen bilong gavman las yia.

Foren polisi bilong gavman em i as tru bilong domestik polisi i stiaim pasin poroman wantaim wanpela arapela kantri. Na wantaim ol kain kain pasin bilong laip long intanesenel sindaun, em i wanpela bikpela subjek tru long toktok long en, olsem na yumi no inap yusim wanpela kain bikpela het tok olsem dispel antap, olsem wanpela foren polisi, na wokabout aipas i go insait long ples bilong pilai. Wanwan subjek bai nidim kain kain tritmen na luksave, na i no inap long pundaun aninit long wanpela tok tasol, na lus tingting long en.

Olsem tasol, ol intanesenel wok aninit long Merchant Shipping Act bilong 1894 (UK) we mipela i bihainim long taim bilong independens. I gat kain kain ol Konvensen we i hap bilong dispel hap loa, we i askim mipela long bungim aninit long ol domestik loa bilong mipela bilong bihainim. Wanpela askim long dispela taim em long senis long hevi disel (kabon 300) i go long lait disel (kabon 500) we em i gutpela moa long busgraun na wara, na mipela aipas na laisensim Interoil long produsim hevi disel we intanesenel komyuniti i bin lusim long taim yet, na nau ol i yusim lait disel. Ol ensin bilong ol nupela sip tu, em ol i disainim bilong kukim lait disel, na we mipela i sanap long dispel samt-

ing, taim mipela i wok long rau-nimraunim yet i stap na singsing, "pren bilong olgeta, na no birua bilong wanpela"?

Mipela i stap baksait tru long laik bilong stap wantaim intanesenel komyuniti. Tritis divisen bilong Dipatmen bilong Foren Afes i mas go pas long wok wantaim Dipatmen bilong Jastis na Marin (Solwara) Divisen bilong Dipatmen bilong Trensport long sanapim wanpela wok komiti long glasim gen sanap bilong mipela na wok i go strongim wok komplaiens bai mipela i painim posisen we mipela i sanap long en, wantaim ol intanesenel wok olsem kantri.

Na long sait bilong Difens, mipela i stap we? Mipela i gat wanpela difens triti wantaim Australia, Nu Silan na US, o nogat? Na wanem pasin pren bilong mipela wantaim Indonesia, Singapore, Malesia na Filipins na ol kantri bilong ASEAN long sait bilong Difens? Na sapos mipela i redi agensim wanem kain pasin pait, orait, em bai kam olsem long Wes Papua rebel pait, we Papua Niugini bai mas go insait long pait bikos Papua bai yusim PNG sait bilong boda olsem ples bilong hait na kisim strong.

Dispela em i ples we polisi tude bilong Papua Niugini long luksave long West Irian o Wes Papua olsem wanpela hap bilong Ripablik bilong Indonesia em i gutpela? Taim mipela i pilim pen bilong ol brata Melanesia long hapsait bilong boda, histori bilong mipela i tok, na mipela i mas luksave olsem Ripablik bilong Indonesia i gat strong moa long teritori bilong en, we i karamapim tu West Irian na dispela luksave i mas is tap long intanesenel level, na tu, domestik level.

Tasol dispela i no min olsem mipela i mas pilai olsem wanpela aipas long sait bilong ol hevi Indonesia i givim long ol turangu pipel bilong West Irian.

Sapos mipela i lukim evidens long paul pasin ol i mekim long ol dispela pipel, mipela i mas sanap long wanpela sait tasol, bihainim trupela bel na tingting, na i no long UN Sata bilong Humen Raits tasol. Em long asples bilong yumi stret, we ol brata Melanesia bilong mipela em mipela i no inap long kisim birua na hevi, na mipela i mas tokaut long belhevi mipela i gat.

Olsem na pren pasin bilong mipela wantaim Indonesia em i triki liklik, bikos i nogat narapela nem bilong en. Olsem na wanem samtung mipela i mekim, i mas bihainim planti tingting na graunwok bikos subjek em i ken pulim bikpela hevi. Indonesia em i kantri i gat planti tausen ailan we bikpela bilong ol i no winim Nu Briten o Nu Ailan, olsem na loa na strong bilong ol dispela ailan i nogat namba bilong en. Na long Filipins, ol i gat wankain hevi na dispela i strong moa long ol kros ol Moslem i mekim long wanwan ol liklik ailan.

Samting ol dispela toktok i mas tokim mipela em, wanpela wansolwara bilong mipela is tap long 'militari alet' o i save redi tasol long eksen na daunim wanem kain kros na pait tingting i kamap long wanwan ol grup.

Lukluk long Japan, Saina, na Saut Korea na lukim wanem i save kamap taim wanpela fising bot i plaim wanpela nesenelek na nevi bilong narapela kantri i go antap long en na arestim ol fisaman. Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.

Tru tumas, stretpela tingting bai tokim mipela ol lain i sanap lukluk long sait, olsem em bai mobeta sapos ol dispela kantri i bung wantaim long tok paitim wanpela triti long luksave long ol ailan olsem i gat gavman i lukautim ol, na sapos ol i painim wel o arapela netseral risos, bai ol i wokbung long rausim long graun, na tilim ol winmani bilong en. Tasol ol dispela develop kantri no save laik sindaun na tokpaitim. O li laik pait na win tasol. Maski long manimak bilong pait bilong ol?

Yu bai laik askim: Olsem wanem long manimak bilong en? Tasol manimak em i no wanpela samtung. Samting we i bikpela, em "nesenelek praid o bilip long kantri" bilong wanwan ol kantri na ol bai go long bikpela pait tasol long liklik kantri na i nogat wanpela kostim bilong en.

Planti long mipela i ritim long buk na lukim long ol muvi piksa o TV skrin long ol Kamikasi pailot bilong Siapan i save kresim balus feita balus bilong ol long bikpela woa sip bilong Amerika long Seken Wol Woa.

Sapos dispela em i kain tingting bilong ol pipel mipela i wok pren wantaim, orait, mipela i mas was gut long wanem kain samtung mipela i wokbaut i go long en taim mipela i kamapim pasin pren wantaim ol long domestik na intanesenel level. Yumi mas skul gut long histri bilong ol, kalsa bilong ol, wanem ol lotu ol i bihainim, ples ol i stap long en, bai mipela i save gut long ol, na wanem samtung i save laitim paia long bel bilong ol.

Yumi gat wanpela kain oge-naisesen i stap olsem Indonesia Think Tank olsem hap bilong military na foren afes bilong en? Nogat. Yumi nogat. Mipela i ting olsem mipela i mas lukluk gen long Nesenelek Risets Institut (NRI) na kamapim insait long NRI, wanpela oge-naisesen i ken mekim dispela wok bilong toksave long mipela na ol pipel, long ol arapela kantri mipela i save toktok na wok wantaim.

Long Saina, husat em i namba wan bikpela treding patna mipela i gat nau, mipela i mas mekim. Ol Saina i mekim gut long kantri bilong yumi, na i gat planti gutpela as wok bilong ol. Saina i go pas long halivim kantri long sait bilong givim mani na bildim ol bikpela infrastraksa projek olsem Sir John Guise Spot Kompleks long Waigani. Ol dispela bikpela samtung bilong wok halivim na bilong "lukim na bilip", planti manmeri i lukim ol dispela ol 'presen' watnaim tok tenkyu na luksave long ol Saina na i gat strongpela wanbel tingting pren wantaim ol Saina manmeri long olgeta sait.

Taim yu lukluk long histri bilong mipela long ol Yurop kantri, mipela i lukim tu olsem Saina man i sanap namel long ol na klinim ples bilong waitman. Olsem na i gat sampela kain pasin pren i stap wantaim saina-man. Na long sait bilong komyuniti, i gat gutpela pasin pren namel long ol Papua Niugini na Saina manmeri.

Tasol hamas stori tru long Saina, yumi save long en? Saina em i no wanpela lain manmeri tasol. Ol i gat kain kain man husat i kam long kain kain ples na stori, na kain kain kalsa, na ol i sanap aninit long wanpela ambrela. Na wane mi mekim Saina long mak em is tap nau? Na taim yumi stat prenim Saina wantaim Look North Polisi, mipela bin redi long ol samtung yumi gat nau?

Dia ridas, sapos yu gat wari o liklik toktok long kolum bilong Sabina, email kam long: editorial@wantok.com.pg



Tune in the NASFUND FM100 Talkback to be opened by the Prime Minister, the Honourable Peter O'Neil from 10am to 12pm, Friday 1st February 2013.

It is the year of Implementation for the O'Neil-Dion Government and the Prime Minister who will talk about the need for more realistic targeted policies and plans from all Districts to ensure that the people of Papua New Guinea have tangible results from the so-called wealth of the Nation.

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINUPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCU 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

FRIENDS TO ALL ENEMIES TO NON!

Life at that military level is like that of two or three dogs watching a single bone and when one makes the attempt for the bone, all the others are on their feet to prevent that from happening.



Sabina's Corner

The above was the slogan cum foreign policy was pushed by the early Somare Government during the period of "self government" in the early seventies before independence. And at that time the foreign minister was the late Sir Ebia Olewale. We are told that the present government has adopted the above slogan as a basis for its foreign policy in its meeting at Alotau just before formation of the government last year.

A country's foreign policy in essence that particular country's domestic policy on how it ought to conduct or culture its relationship with a foreign country. And given the multi facets of life on the international scene, it is quite a complex subject to deal with so that one cannot easily adopt a slogan such as the above as a foreign policy and blindly walk into the arena. Each subject matter would require a different treatment and cannot be given the same label and then ignored.

Take for instance, international obligation contracted to under the Merchant Shipping Act of 1894 (UK) which we adopt upon Independence. There are numerous Conventions which are part and parcel of this piece of legislation which require us to incorporate into our domestic legal order for enforcement as part and parcel of our domestic ways. One such requirement at this moment is the switch from heavy diesel (carbon 300) to light diesel (carbon 500) which is more environmental friendly, and ignorant as we are, we licensed Interoil to produce the heavy diesel that the international community has abandoned in favour of the lighter diesel. The newer ships engines too are now designed to burn lighter diesel and where are we on this subject as we do the merry-go-around singing, "friends to all and enemies to non?"

We are way behind and lag-

ging in our endeavour to keep pace with the international community. The treaties division of the Department of Foreign Affairs should take the lead to liaise with the Department of Justice and Marine Division of the Department of Transport to put in a place a working committee to review our position and work towards ensuring compliance so that we reach a position where we are up to date with our international obligation as country.

And in matter of Defence, where are we at this moment? Do we have a Defence Treaty with Australia, New Zealand and US? And what is our relationship with Indonesia, Singapore, Malaysia and the Philippines and the Asean Community at large on the matter of Defence? And if we are to be prepared against any aggression then most likely it will come by way of West Papua Rebellion where Papua New Guinea will be unwillingly dragged into the conflict because the Papuan will be using PNG side of the border as a safe haven.

This is where the present policy by Papua New Guinea to recognize West Irian or West Papua as an integral part of the Republic of Indonesia is relevant and to an extent highly appropriate. Whilst we may sympathize with our Melanesian brothers at the other side of the border, we are bound by history which we cannot ignore and must recognize that the Republic of Indonesia has sovereignty over its territory that includes West Irian and that is the life that must be respected at both the international level and also the domestic level.

However, that does not mean that we must play the blind when it comes to mistreatment by Indonesia, if any, on the West Irian people. If and when we sight evidence of any mistreatment of these people, we must adopt a position, dictated by our conscience and tell Indonesia in no uncertain terms that we disapprove based not only on the UN Charter on Human Rights but more closer at home, these are our Melanesian brothers and we cannot ignore their being mistreated and that way we must voice our dissent in no uncertain terms.

This is why our relationship

with Indonesia is a rather tricky one, for lack of a better statement. This where in anything we do we must be preceded by a lot of thinking and ground work because the subject is rather delicate. Indonesia is a nation of a thousand islands or more no larger than New Britain or New Ireland thus its rule over these islands is rather tenuous at that superficial level. And also face the similar problem and this has been exacerbated by the Moslem uprisings on different islands.

What the above must tell us as a close neighbour is that these countries are "militarily alert" to switch into gear and move into action to quell and major uprising by any single group should the individual country's sovereignty be threatened in way of form and from any source be it internal or external.

Just take a look at Japan, China and South Korea and see what happens when a fishing boat flying one national flag is boarded by the navy of another country and fisherman are arrested and taken ashore? Life at that military level is like that of two or three dogs watching a single bone and when one makes the attempt for the bone, all the others are on their feet to prevent that from happening.

Surely, common sense would tell us bystanders that it would be a more plausible scene if these countries were to meet together to trash out a Treaty of sorts to recognize the atolls as jointly owned and if any natural resources like oil were found, that would be jointly exploited and all benefits shared. However, these highly developed countries do not want to talk about it. They want to fight and win by conquest but what about the costs involved?

You would want to ask: What about the costs? But costs is irrelevant. What is irrelevant is "the national pride" of each such country and they will go to full scale war over a tiny atoll to exert that national pride and national pride knows no boundaries and no costs or obstacles. Many of us have read about it in books and seen movie scripts on our TV screens of the Japanese kamikaze pilots crashing their planes on the American Battle Ships during the Second World War.

If this is the kind of mentality of the people we are dealing with then we must caution ourselves of what we are walking into when we are cultivating a relationship with these countries both on the domestic scene and in the international frontier. We must study their history, their culture including their religions and their geography to understand what makes these people who are and what must make them tick.

Do we have such an Organization in place like the Indonesia Think Tank as part of its military and foreign affairs establishment? No we do not have. We suggest that we take another look at the National Research Institute (NRI) and incorporate into NRI, a related establishment to undertake such a role to inform ourselves of people of the other nations that we are dealing with.

Take China for instance, which is by far the biggest trading partner that we now have. The Chinese has done well in this country and it is not without good cause. China has been at the forefront when it comes to the assistance of this country in terms of funding and building of major infrastructure projects like the Sir John Guise Sporting Complex at Waigani. These are highly visible forms of assistance and given that "seeing is believing," many people view these "gifts" with gratitude and appreciation of the Chinese and there are genuine feelings of friendship with the Chinese nationals on all fronts.

When you look at our own history of exposure to the European, we also sighted the Chinaman among them doing menial tasks like cooking and cleaning also for the Whiteman. So there is some form of bonding with the typical Chinaman. And so the social scene, there is open friendship between Papua New Guineans and Chinese.

But how much of China do we know? Again China is not a single race of people. They are a multitude of races who come from different background and different cultures to come under one umbrella. And what makes China what it is today? And when we began courting China with our Look North Policy, were we prepared for what we now have?

Gavana sapotim EHP mama grup

Sape Metta i raitim

WANPELA bikpela mama grup long Isten Hailans i kisim bikpela helpim na sapot nau long pusim ol i go het long karimaut na tru, strongim wok bilong ol mama.

Isten Hailans Provinsal Kaunsil ov Wimen (EHPCW) em dispela mama grup husat bai ske- lim na surukim helpimi go daun long ol arapela liklik mama grup long etpela distrik long provins.

Nau yet opis bilong Isten Hailans rovinse gavman aninit long lukaut bilong gavana Julie Soso Akeke, i givim pinis K800,000 long sapotim EHPCW long kirapim liklik dinau o kredit skim na ol arapela wok we ol mama bai ken kisim helpim long en.

Misis Akeke, husat i bin olupela presiden bipo long em i kamap gavana, i tok em i luksave long ol hevi na pen ol mama i save karim long stretim sindaun bilong ol, olsem na olsem wanpela mama na lida long provins, em i gat bikpela laik tru long givim ful sapot long ol mama grup.

"Olsem wanpela mama, mi save long ol hatwok, hevi na pen em ol mama i save karim, olsem na sapos ol i laikim helpim, mi no inap

tok nogat. Long baset bilong mi long level bilong provinsal gavman, ol mama grup tu bai gat sea bilong ol. Na dispela bai ken go het long faivpela yia tem bilong mi olsem gavana long provins,"Misis Akeke i tok.

EHPCW Presiden, Jenny Gunure i tok amamas long dispela luksave na tok tenkyu long Gavana Akeke, husat i putim ap ol mama olsem wanpela praioriti o namba wan grup long sapot iis bilong en.

"Miela i bin operet longpela taim long provins, tasol mipela i no save lukim dispela kain sapot i kam long provinsal gavman bilong mipela o long opis bilong gavana. Na lukluk long dispela sapot em i bikpela tumas, na mipela long kaunsel ov wimen bai ken mekim planti wok wantaim dispela mani long fandim ol bung na wok trening bilong mipela,"Misis Gunure i tok.

Sapot bilong Misis Akeke bai go daun tu long ol sios, helt na agrikalsa sekta, na edukesen, we em i wokim K1 milian komitmen o tok promis long sapotim (subsidaism) ol sumatin bilong Isten Hailans husat i save go skul long ol bikpela edukesen institusen olsem ol yunivesiti na koles long Isten Hailans provins yet, na long ol arapela hap long kantri.



SAPOTIM OL MAMA: Gavana bilong Isten Hailans Provins, Julie Soso Akeke (lephan), i givim K800,000 sek i go long Presiden bilong Isten Hailans Provinsal Kaunsil ov Wimen, Jenny Gunure (raitihan), na Tresera Aga Irish (nامل). **Poto: Sape Metta**

Tok Sori



Wantok

Mipela olgeta wokmanmeri bilong Word Publishing Company Ltd wantaim ol famili bilong mipela i salim bikpela toksori igo long wanwok bilong mipela Ms. Buana Ragela husat i lusim yangpela na naispela susa bilong em:



Ms. Asi Ragela

Yangpela Asi i lusim laip bilong em long 3 kilok moning long Pot Mosbi Jenerel Hausik long Tunde 29 Januəri, 2013.

Mipela tu i stap long sore long dispela taim na mipela i pre long Papa God long strongim Buana wantaim ol famili bilong em; blesim ol na tu givim belisi long ol.

John 11: 25

Jesus said : I am the resurrection and the life. He who believes in me will live, even though he dies; and whoever lives and believes in me will never die.

Charity i laki wina bilong SP promosen

... Winim nupela Toyota Hailaks

WANPELA meri i stap wantaim bikpela amamas long kamap olsem laki wina bilong SP Bruri promosen resis long Sauten rijen.

Charity Tolubavaia i winim wanpela Toyota Hailaks kar inap long K127,000 manimak na ol narapela liklik prais moa.

Ol bin pikim nem bilong Charity namel long planti tausen pipel long Sauten rijen i bin go insait long resis i bin stat long Novemba 19 las yia inap long dispela yia Januəri 12.

Ol narapela rijen long kantri olsem Hailans, Momase na

Niugini Ailans bai wokim ol dro long ol wina na tokaut, tasol i no yet.

Ms Tolubavaia i bin kirap nogut tasol em bin amamas nogut tru taim em i kisim tok-save long win bilong em.

Win bilong em i bihainim 8-pela katen bia em bin baim pastaim long Krismas na em i putim risit bilong em i go insait long resis i bin ron long 8-pela wik.

Prais bilong promosen em long winim nupela Toyota Hailaks, na ol narapela prais moa.

Marketing Menesa long SP

Lager Bren Menesa, Gorethy Semi i tok antap long promosen long bren, ol bin karimaut dispela promosen long tok tenkyu i go long ol gutpela kastoma na ol lain i save dringim bia bilong ol long sapot ol i save givim i go long SP bia.

Ol wina bilong narapela tripela rijen bai winim tripela moa kar na ol narapela prais moa.

Ol taun i bin go insait long resis em long Alotau, NCD, Lae, Madang, Buka, Kavieng, Kimbe, Rabaul, Kokopo, Kundiawa na Kainantu.



LAKI WINA: Wanpela bikman bilong Boroko Motos i sekan wantaim Charity long win bilong en, em Toyota Hailaks i stap long sait, taim wanpela polis man i lukluk long sait i stap. **Poto: Nicky Bernard**



Toktok i kam long Tresari Minista Don Polye

Long makim lonsim bilong Kastoms Sevis Plen 2013 – 2017

Mista Ray Paul, Komisina bilong Kastoms, ol Deputi Komisina, ol bikmanmeri, ol wokmanmeri bilong PNG Kastoms Sevis, na ol niusmanmeri.

Papua Niugini Kastoms Sevis em i wanpela long ol bikpela ejensi bilong gavman.

Em i gat bikpela wok bilong strongim boda sekyuriti na banis, bai ol wok bisnis we i wok long groa i gat gutpela rot bilong bihainim, na long kisim winmani long ol kastoms duti na takis.

Wok bilong ol Kastoms opisa em planti taim ol manmeri i save lukluk nogut long en taim ol kago i kam insait long kantri i no save kli-airim hariap.

Long gutpela taim na sindaun, ol dispela samting i noken kamap. Tasol ol i wok long kamap, na ol bai kamap yet bihainim kain kain as.

Em i wok bilong Komisina bilong Kastoms na ol menesa bilong en long olgeta level long go het long strongim gutpela wok plening na supavisin, strongpela menesmen long ol wokmanmeri na arapela risos, bai olgeta hevi i kamap i noken stap long taim.

Tasol, maski long lukluk long ol hevi. Mi laik toktok moa long wok bilong kastoms long kolektim ol winmani.

Bihain long ol i lusim Intenal Revenu Komisin, stat long Januari 2010, PNG Kastoms i kisim samting moa K6 bilian.

Dispela em i wanpela kain winmani we PNG Kastoms i save kisim long sapatim ol bikpela wok bilong gavman na halivim ol pipel bilong yumi long painim gutpela



Tresari Minista Don Polye...

sindaun.

PNG Kastoms i save mekim bikpela wok bilong karimaut PNG Stratejik Dvelopmen Plen, bilong inapim ol as tingting bilong Visin 2050.

Olsem Minista i go pas long Papua Niugini Kastoms Sevis, mi amamas long lukim ol wok we Komisina na Sinia Menesmen i mekim long bihainim stret spirit na laik bilong Nesenel Konstitusen bilong yumi, ol bikpela astingting na driman bilong Visin 2050, taim ol i kamapim dispela PNG Kastoms Koporet o Sevis Plen we mipela i lonsim hia.

Plen i tok kliia gut long foapela bikpela aswok we PNG Kastoms i mas mekim. Ol dispela em Boda Sekyuriti na Enfosmen; Tred Fasilitisen; Revenu Proteksen na Koleksen; na Enebling na

Implimentesen.

Wantaim kari-maut bilong dispela plen, gava-man i bilip em bai lukim mobeta wok kisim winmani; yusim bilong ol nupela teknoloji na we bilong mekim wok; mobeta boda sekyuriti wok long pasim ol paul pasin; na kisim wokmanmeri i gat bikpela save.

Long pas bilong mi i go long Komisin na olgeta Kastoms opisa long kantri, mi bin tok long liklik tok i go pas bilong Sevis Plen, Mi tok

olsem em i laik bilong gavman na bilip long pipel olsem PNG Kastoms i mekim wok ples kliia na i mas sanap baksait long olgeta wok em i mekim.

Em i laik bilong mi olsem PNG Kastoms bai kamapim strongpela moa kastoma luksave aninit long karimaut bilong dispela Sevis Plen.

Long mekim dispela, i mas i gat strongpela wok luksave long olgeta level bilong menesmen long yusim wanem ol risos ol i gat gut, long karimaut wanwan ol wok bilong ol.

Ol gavman bilong bipo na i kam inap nau, i save givim bikpela hap manimak inap long klostu K52 milian i go long PNG Kastoms. Stat yet long 2005, gavman i givim moa long K7 milian long strongim

wok prosesing bilong impot entri pepa wok na kisim ol duti takis.

I no long tai mi go pinis, narapela K45 milian i bin go long baim ol masin bilong skenim na glasim ol kontena na masin bilong sekim ol kago long Lae na Pot Mosbi. Dispela em bilong strongim wok sekim na inspeksen.

gavman bai go het long halivim Kastoms, tasol wok i stap nau long han bilong Komisina bilong Kastoms, na olgeta Kastoms Opisa long mekim wok bilong yupela long daunim ol kostim bilong boda wok bisnis, salim ol save wokmanmeri i go aut, yusim gut ASYCUDA, na ol arapela wok sistem bilong daunim taim bilong klarim ol kago, na abrusim ol banis long ol wok bisnis na raun we i nogat bikpela birua i ken kamap long en.

Kastoms i mas kamapim mobeta infomesen menesmen sistem, kamapim ol intelijens save na wok wantaim komyuniti long toksave moa long ol birua bilong wok long boda. Dispela i ken kamap sapos ol i yusim mobeta boda kontrol, yusim nupela ol masin, sekim ol wok bekim bilong ol, na strongim wok investigesen o painimaut.

Ol ispela wok bai kisim strong wantaim ol strongpela wokbung pasin wantaim ol arapela loa enfosmen ejensi insait long PNG yet, long Pasifik, na long ol arapela hap long wol.

Laik bilong Gavman, ol bisnis na pipel bilong PNG long Kastoms, em i planti. Kastoms i nonap long inapim ol bikpela askim long en, sapos em i no redim em yet bilong bihainim taim, aninit long bikpela moa program bilong modenais-

esen na senis.

Kastoms bai mas sapatim ol wokmanmeri bilong en long mekim gut wok bilong ol na givim gutpela sevis long pipel bilong PNG. Dispela i karamapim yusim na bihainim bilong wanpela oge-naisesenal straksa we i bihainim na i ken inapim sevis plen bilong ol, modenaisim Kastoms lo na ol operesenal gaidens na sanapim wanpela humen risos fremwok we i ken strongim bilip na save bilong ol wokmanmeri.

Mi laikim ol Kastoms opisa long sapatim gut laik bilong Gavman long strongim bek pablik sekta na kairimaut ol nesenel anti-korapsen strateji.

Maski Papua Niugini em i wanpela diveloping kantri, na ol salens bilong yumi i planti, bihainim taim bilong yumi em i brait. Mi amamas wantaim go het bilong Komisina bilong Kastoms na ol opisa bilong em i mekim inap nau.

Tasol yumi mas go het long groim bihainim taim bilong yumi bihainim wanpela bilip bilong wok hat na givim sevis. Mi luksave long Komisina na ol wokmanmeri bilong en long kamapim dispela Sevis Plen na laik strongim bilip bilong yupela long karimaut gut ol dispela wok.

Nau mi amamas tru long lonsim na givim long han bilong Komisina, dispela faivpela yia 2013-2017 Kastoms Sevis Plen.

Gavman i givim luksave long yupela olgeta, menesmen, ol wokmanmeri bilong PNG Kastoms long kamapim dispela hom-gron plen. Salens nau em long yupela long lukautim na bihainim dispela plen.

Tenkyu tru ol manmeri.

Mak bilong Sekim Kontena Fasiliti projek

BIHAINIM het tok bilong Intanesenel Kastoms De bilong dispela yia, em Inovesen fo Kastoms Progres, wanpela bikpela projek i wok long kamap aninit long lukaut bilong PNG Kastoms Sevis, em wanpela Kontena Eksaminesen Fasiliti (CEF) Projek.

Dispela projek bai gat bikpela wok long tred na ekonomi, taim em i pinis.

Long mun Desemba 2012, Kastoms Komisina Ray Paul i tokaut olsem tupela x-rei skena masin bilong PNG Kastoms kontena eksaminesen projek i bin redi long kam long Papua Niugini.

Disela tupela MB1215BS skena, em wanpela Saina kampani, Nutech Company Limited i mekim long manimak US\$3 milian long wanwan. Nau ol i wetim kontraksen na pinis bilong ol faktori long Pot Mosbi na Lae, pastaim long ol i salim i kam.

Wok long eksrei hausing fasiliti long tupela senta bai kirap long namba wan hap bilong 2013 na ol eksrei skena masin bai kamap long PNG long mun Septemba 2013.

Kastoms Komisina, Ray Paul i tok olsem wanpela delegesen, we sinia opisa na PNGCS Kontena

Eksaminesen Fasiliti (CEF) Projek Menesa Karo Kila i go pas long en i bin raun i go long Beijing, Saina, long lukim testim bilong tupela ol eksrei skena masin, pastaim long ol i givim tok orait long salim i kam long kantri.

"Kila na tim bilong en i bin toktok wantaim Nutech Kampani tu long stretim ol lojistikal, stores na fasiliti konstraksen samting," Paul i tok.

Em i tok olsem CEF projek, taim em i pinis, bai strongim winmani bilong kantri na strongim wok bihainim taim bikpela wok bisnis na sipbris divelopmen i kamap long Pot Mosbi na Lae.

"Testim bilong tupela skena i kamap gut, wantaim strongpela rot we i nidim jeneral operesen bilong ol masin na ol testim sken yusim kain kain densiti o hevi na ain samting insait long kain kain sindaun bilong ol," em i tok.

"Ol testim wok i go gut bihainim ol ripot i kam long Kila na tim bilong en, na mipela i amamas tasol.

"Moa long dispela, wanpela namba tu delegesen long ol Kastoms operesen na ICT opisa i bin go long Beijing long Desemba 2012 long kisim trening long we bilong operetim ol skena."

Dispela trening i pinis gut na

Xiao Yao (lephan) Projek Menesa bilong Nutech Kampani Ltd wantaim ol PNG Kastoms Opisal John Pomoso (name) na Karo Kila long wok testim bilong tupela masin.




PNG Kastoms na Nutech opisal long taim bilong testim tupela masin.

olgeta memba bilong Kastoms delegesen i bin kisim tes long Nuchteck, na ol i winim olgeta wok

testim. Ol skena masin bai ol i brukim gen na salim long sip i kam long

PNG. Wanpela bai go long Lae, na narapela long Pot Mosbi, we ol bai sanapim bek gen.





Banis i no pinis yet....!!

DISPELA yia em i namba tri yia mi wok long Hanuabada Peris. Kontrak bilong mi bai pinis long mun Jun 2013. i luk olsem bai SVD i wokim nupela kontrak gen wantaim Asdaiosis, bai mi stap long narapela tripela yia moa.

Tripela yia i go pinis na mi pilim olsem mi no wokim planti wok yet. Mi traim hat long lainim laip stail na kalsa bilong Motu na Koitabu komyuniti.

Igat bikpela salens i stap. Tasol mi no ron-awe long salens, bikos olgeta hap yumi stap na wok, salens bai stap. Salens i kam na go....

Klostu tupela yia nau mipela i wokim banis arere long haus lotu. Hap wok i no pinis yet, bikos wanpela man i tok liklik hap graun we i gat septik tenk i stap, bilong en.

Katolik na Yunaitet Sios i pasim tok long wokim banis bai stopim kain kain pasin nogut i save kamap arere na aninit long haus lotu olsem; *haitim na karim ol illegal meteriel olsem ol gan, ol drag na narapela samting i kam long bikpela sip. Spitbot i go kam long nait kisim yangpela na marit meri i go long sip na pamuk wantaim man bilong sip, taim Lotu Misa i stap manmeri i go kam long spitbot na wokim nois.*

Ol settlemen long fron bilong sios i yusim aninit bilong sios na haus bilong sista long pekpek na pispis.....yangpela man na lapun i sindaun aninit long sios smokim mariwana, dring bia na hom bru, spak na tok nogut, bikmaus long distebim lotu na famili bilong Yunaitet Sios i stap insait long stesen.

Long dispela as tasol, Katolik Sios bilong St. Michael Hanuabada wantaim tok orait bilong lida bilong Yunaitet Sios, i laik wokim banis long stopim pasin nogut.

Wanpela bikpela ren tri i bin stap long fron bilong haus lotu, ol i bin katim na kukim as bilong em pinis. Bikos aninit long dispela diwai, maski em i sanap long fron dua bilong haus lotu tasol planti manmeri i bin wokim sin aninit long en.

Dispela pasin i bin kamap longpela taim. Manmeri i bin lukim long ai na harim long yau bilong ol. Tasol ol i no bin wokim wanpela samting long stopim. Ol i tok; *"Mipela i tokim ol pinis, tasol ol i no laik harim".*

Sapos ol i no laik harim, yumi mas painim narapela rot bai stopim ol.

Olsem na long namba tu yia mi bin stap peris pris, mi tokim ol long katim ren tri. Planti i no amamas na tok nogut long mi. Tasol mi tokim ol; *"Wanem samting mi wokim tude, yu no save yet. Bihain bai yu save".*

Longpela taim nau ren tri i no stap. Mipela i bin kukim rop bilong em. Liklik rop bilong em tasol i stap.

I no longpela taim manmeri i lusim tingting long dispela ren tri. i nogat bung na spak, pait na tok nogut aninit long tri moa.

Tasol rot i go long nambis i stap yet, bikos banis i no pinis yet.

Mipela i gat mani i stap long wokim wok, tasol wanpela man i strong yet long pait. Olgeta manmeri i save, dispela man em i laik askim kompensesen. Narapela lida bilong wan pisin i sapatim Katolik Sios long wokim banis. Olsem wanem nau?

Long hia, yumi mas lukaut! Noken hariap long jadjim sasim ol.

Sapos yu no klia long kalsa na we bilong tingting bilong Motu na Koitabu, noken opim maus. Bikos maus bilong yu bai kilim yu yet. Olsem na mi no hariapim ol...larim ol i stretim na wanbel pastaim. Wanbel i stap, wok bilong banis bai go het.

Bikos banis i no stap, haus lotu i bagarap tru. Pikinini bilong sttlemen i yusim olsem ples bilong pilai, nogat wanpela i stopim ol. Pater Paul tasol i save raunim ol, olsem na ol i save pret. Taim Pater i no stap, nogat wanpela kea o wari long ol.

Woksop i glasim famili laip

KAM long taun long ples long painim gutpela laip, ol sevis na wok na nogat sevis long ol rurel eria na nogat haus, i sampela long samting we wanpela Katolik famili woksop long Lae i bin luksave long ol.

Faipela de woksop i bin kamap long Sen Michael's Peris Konprens rum long las yia.

Dispela woksop i bin glasim ol samting i wok long kamap long famili tude, ol gutpela samting na ol hevi ol i bungim long laip na kain sindaun long PNG tude.

Ol samting we woksop lain i bin lainim em, Mi husat, famili i as long man na sosaiti, kalsa na vailens, soseri- ol vailens i kamap bikos long soseri na blek mejik na helpim long pastoral sait, fisikel vailens, kain stap insait long rilensensip i gat vailens, yusim krangi strongpela dring na ol spak-

brus na helpim long pastoral sait, komyuniti i gat planti wanpisin i stap long en, ol hevi na resis long taim planti wanpisin i stap na ol velyu na skil.

Nesanel Katolik Famili Laip Apostulet i bin givim aut tu ol metiriel ol i ken ridim long helpim ol moa long ol samting ol bin lainim insait long woksop.

Ol topik na ol metiriel ol bin ritim i bin helpim planti ol lain long karimaut ol wok long ol ministri bilong ol, na tu, kliarim tingting bilong ol long ol wanpisin pait na vailens insat long famili.

Narapela samting tu we i bin kamaut long dispela woksop em long "alcohol abuse" o kism planti na yusim krangi strongpela dring i no kamapim hevi long ol yut na ol man nating, tasol e mi kamapim hevi long ol sampela sios lida olsem ol pater na ol pasto na ol rilijes

man na meri. ol rurel eria, nogat sans long wok

Narapela samting we ol lain i sindaun insait long woksop i bin lukim na autim em, dringim strongpela dring na spak krangi na kamapim hevi long ol i no ol yangpela na ol man nating,

tasol sampela ol sios lida tu olsem ol pater, ol pasto na ol rilijes manmeri.

Ol bin luksave tu long ol sampela samting we i kamapim ol hevi long vailens na yusim planti

na krangi ol spakbrus. Em long olo manmeri bilong ples i kam pulap long taun long painim gutpela laip, nogat

sevis long ol rurel eria, nogat wok, planti i no save long rit na rait, nogat save long

rait bilong ol meri na ol pikinini, wokim bikhet pasin na i no pas wantaim wanpela

patna, ol pasin tumbuna, hevi long mani, tingting bilong ol bikman na maritim planti meri, nogat

pastoral raun i go long ol family, tupela marit i nogat gutpela komyunikesen o toktok

wantaim long sait bilong ol famili hevi na pasin bilong ol marit. Na tu, nogat kliapela tingting

long pasin bilong baim meri, nogat gutpela haus we i opim rot long ol papa i givim bel long ol

pikinini meri na ol narapela famili memba, mekim pasin we ol marit man na meri i wokim paul pasin na paitim meri i no kriminel na mi yet pasin.

Bisop Christian bilong Lae Daiosis i bin salensim ol lain long woksop long kism i go ol samting

ol i lainim na go hetim loing ol wanwan eria ol i wok long ol, famili na komyuniti.

Ol sosel network i bikpela samting long wol tude: Pop Benedict 16

DIJITEL sosel network i kamap olsem wanpela strongpela rot bilong komyunikesen o salim,

kisim na serim ol toktok namel long ol pipel long wol tude na kamapim ol nupela prensip na ol komyuniti, hetman bilong Katolik Sios long wol, Pop Benedict 16 i tok long makim 2013

Wol Komyunikesen De.

Em i tok dispela ol spes we dijitel sosel network i kamapim i kamapim tu nupela spes bilong ewanjelaisesen long sios.

Pop Benedict 16 i tok sapos ol i balensim na yusim ol dispela spes, em ken helpim kamapim

gutpela toktok na dibeit sapos ol i mekim gut i ken promotim pasin bilong stap gut long humen famili.

"I mas gat komitmen long developmen bilong ol sosel network bikos pipel i toktok wantaim na bildim rilensensip o wok pren, painim ol ansa long ol askim bilong ol, rileks, tasol long wankain taim tu, em i kirapim tingting na savelong mekim ol wok samting.

"Ol network nau i wok long kamap olsem hap bilong sosaiti bilong yumi na bringim pipel klostu wantaim . Olsem na ol samting man i wokim na i kam

insait long lewa bilong em i strongim ol sosel network," Pop Benedict i tok.

Em i tok kalsa bilong ol sosel network na ol senis long stail bilong komyunikesen i kamapim bikpela salens long ol lain i laik toktok long trupela samting na ol velyu o ol samting we em i mas gat luksave long en.

Em i tok salens we ol sosel network i gat nau em long ol i mas karamapim olgeta samting inclusive) na ol i ken kisim gutpela samting taim ol bilip manmeri i go insait na serim mesej bilong Jisas na velyu long luksave long olgeta manmeri we

skul bilong em i promotim.

Pop Benedict 16 i tok ol sosel network i rot bilong ewanjelaisesen na tu, long humen developmen. Tok piksa e mi givim emlong sampela hap we i stap long ol longwe hap long ol bikpela o ol liklik ailan long ol longwe solwara ples na ol Kristen in nogat rot bilong lotu bung.

"Ol sosel network i ken kamapim yuniti wantaim ol narapela Kristen komyuniti long wol. Long dijitel wol, i gat ol sosel network we i ofaim ol sans long pre, meditesen na serim Tok bilong God," Pop Benedict 16 i tok.

Tokples konprens bilong ol sios lida

Tim Scott bilong SIL-Ukarumpa, i raitim

SAMTING olsem 70 sios lida na ol sios ogenaisesen insait long kantri i bin bung long

Ukarumpa ausait long Goroa Taun, Isten Hailans provins long toktok long Tokples developmen na wok bilong tanim toktok long PNG.

Ol pasto na ol sios lida i bin

toktok strong long tanim toktok i go long ol wan wan tokples na ol komyuniti.

Dispela i nambawan taim ol sampela lida i bin harim rot we ol i ken helpim wok bilong developim ol wan wan tokples bilong ol na tu, ol bin painimaut olsem em i bikpela wok.

Klostu 300 tokples long PNG i stap long tanim yet.

Wanpela long ol samting i bin

kamap long konprens na planti lain i bin toktiok long en em ol sios na ol ogenaisesen i mas yunait na wok bung wantaim long pinisim wok.

"Tok bilong God i yunaitim olgeta... mipela i wok bung wantaim na Tok bilong God i kamapim dispela," Asbisop John Ribat biloong Pot Mosbi Asdaiosis i tok.

"Kristianiti em i lotu bilong ol

asples pipel. Em i stap insait long laip nap les bilong ol pipel husat i memba bilong dispela komyuniti", Paul Minter em wanpel presentia long konprens i tok.

"Planti bilong yumi i wok long beten long senis i kamap long dispela kantrina wanpela rot tasol wei dispela i ken kamap em long Tok bilong God, " Karo Veneo em Siaman bilong Ministas Fratenel long Madang i tok.



KONPRENS TAIM: Tupela foto i soim ol lida i toktok na mekim ol wok long taim bilong tokples konprens long SIL-Ukarumpa, Goroka kibf Isten Hailans. **Poto: Tim Scott**

smash®

BACKPACKS, DRINK BOTTLES, LUNCH BOXES, PENCIL CASES & MORE

30% OFF



PROMOTION ENDS FEBRUARY 28TH!!

CALL OUR SALES TEAM TODAY!

WAIGANI DRIVE, PORT MORESBY
Ph: 325 6500 Fax: 325 0302 Email: sales@theodist.com.pg
MARKHAM ROAD, LAE CITY
Ph: 472 5488 Fax: 472 7838 Email: saleslae@theodist.com.pg



Fri Edukesen Sabsidi Polisi bilong gavman go het

... Tasol ol papa mama mas peim hap mak yet

TAIM 2013 skul yia Ilaik stat tasol long wik i kam, ol papamama i kisim toksave long peim ol hap skul fi mak bilong ol.

I tru, fri edukesen polisi bilong gavman i stap pinis na i gat mani long em, tasol i gat liklik hap we ol papamama i mas inapim wok bilong ol na baim long em. Wantaim tu, ol skul yunifom, ol steseneri, su, skul bek na ol samtin g moa olsem.

Eking Edukesen Sekreteri, Luke Taita i salim toksave i go long ol papamama na ol was papamama long ol sumatin i skul long Elementeri i go antap long Sekonderi skul level, na ol vokesenel senta olsem gavman bai go het long helpim ol long baim

ful skul fi bilong ol pikinini bilong ol long dispela skul yia.

Long wankain taim, ol Fleksibel, Open na Disten Edukesen (FODE, Inklusiv Edukesen na ol Permitit skul nesenel gavman i gat luksave long ol bai kisim skul fi helpim long peim 75 pesen bilong ol sumatin. Ol papamama bai peim 25 pesen tasol.

Mista Taita i tok Nesenel Edukesen Bot (NEB) long laspela bung bilong em las yia i bin pasim tok long ol mak bilong ol skul fi ol wan wan level bilong skul i ken sasim long ol papamama na sumatin i peim.

Em i tok ol skul fi mak bilong dispela yia i no senis, tasol i stap long wankain mak olsem bilong las yia.

Skul Level	Nesenel Edukesen Bot (NEB) Mak bilong ol Skul Fi we ol Skul i ken sasim long en.
Elementeri (EP, E1, E2)	100
Praimeri Gred 3-8	270
Lowa Sekonderi (De sumatin)	900
Lowa Sekonderi (Boding)	1500
Vokesenel (De)	900
Vokesenel (Boding)	1300
Apa Sekonderi (De)	990
Apa Sekonderi (Boding)	1500
Fleksibel, Open na Disten Edukesen (Wan off Peimen)	100
Ol Permitit skul gavman i luksave long ol (Wan off Peimen)	30
Inklusiv Edukesen (Wan Off Peimen)	30

*Dipatmen bilong Edukesen i bin tok oraitim ol skul fi long Kolom 2 bilong Tebol bilong ol Arov na Permititi Skul na ol Inklusiv Edukesen Risos Senta.

Mista Taita i tok tu olsem long dispela yia, nesenel gavman bai baim na tilim ol kurikulum metiriel i go long olgeta skul na ol vokesenel senta tu. Pe bilong ol dispela samting inap long K40 milian.

Em i tok tenkyu i go long gavman

bilong Australia long helpim bilong em long givim K25 milian olsem kontribusen bilong em long sabsidi peimen na fri tusen fi.

Long wankain taim, Mista Taita tok klia long ol papamama na ol gadien olsem tusen na sabsidi fi bilong gavman en i bilong yusim long baim ol samting long ol tisa i yusim long skulim ol sumatin, na tu, baim ol samting long ol sumatin i yusim long lainim insait long klasrum.

Waigani i laikim ol sensus fom na benk akaun

SINGAUT i go long Provinsel Sabsidi Kodineta na ol Skul Sensus Kodineta long long salim i kam long Edukesen hetkota long Waigani ol 2012 sensus fom na ol stret-pela benk akaun bilong ol wan wan skul long ol provins bilong ol.

Eking Edukesen Sekreteri, Luke Taita i wokim dispela singaut long wanem dispela bai helpim long hariapim ol skul sabsidi na tusen fi i go long ol wan wan skul.

"Ol bai yusim ol 2012 enrolmen rekot i stap long ol skul sensus fom na dipositim o putim mani i go long ol skul akaun," Mista Taita i tok.

Long wankain taim, wanpela long ol plen we Edukesen Dipatmen i kamap wantaim long edresim Autkam Beis Edukesen (OBE) i go aut olsem gavman i laikim long en em long kisim bek toki Inglis olsem toktok we ol tisa na sumatin i yusim long skulim na lainim long Elementeri level i go long ol bikpela skul na yunivesiti.

"Inglis na tokples wantaim em ol bai yusim olsem ol tokples bilong lainim long ol elementeri skul," Mista Taita it ok.

Em i tok ol bai no inap rausim olgeta long yusim ol tokples long ol elementeri skul bikos sampela ol samting i hatpela long mekim klia long ol pikinini ol tisa bai yusim tokples.

Mista Taita it ok Ministeriel Polisi Stetmen Namba 1/91 na sekula bilong Sekreteri Namba 38/99 long Lengus Polisi long olgeta skul i tok ol pikinini i mas yusim Inglis long olgeta level bilong ol skul, tasol noken stopim ol long komyuniket fri long tok ples.

Kisim tok orait pastaim long sasim projek fi

Veronica Hatutasi i raitim

TOK orait i mas kam long ol Provinsel Edukesen Bot (PEB) pastaim ol skul i sasim ol projek fi long ol papamama na ol sumatin, Eking Edukesen Sekreteri, Luke Taita i tok.

Aninit long fri skul fin a skul sabsidi fi bilong gavman i bin stat long 2011, gavman i peim bikpela hap mani bai karamapim tising na lainim insait long klasrum, tasol ol papamama i mas peim ol projek fi we skul i sasim long karimaut ol projek skul i gat long en.

Ol papamama na ol gadien i mas stap sambai long givim helpim i go long ol skul we ol pikinini bilong ol i skul long en tam ol (skul i singaut long projek fi bikos dispela bai helpim long kamapim gut tising na lainim,," Mista Taita i tok.

Tasol Mista Taita i tok olgeta skul i mas kisim tok orait pastaim long ol PEB bilong ol pastaim ol i sasim projek fi.

BACK TO SCHOOL

WIN
K500 Weekly & Major Draw Prize for a **LAPTOP**
+ Internet Dongle with 300MB

Top up with K20 or more on any Telikom prepaid product and go into the draw to win cash prize of K500 Weekly.

Each week 10 lucky winners will be drawn. Major prize draw is a laptop plus Internet Dongle.

the more you top up the greater chances you have of winning...

Promotion starts 21st January
Ends 15th February 2013



Wok bilong Fri edukesen em pinis nau..



Sabsidi mani i redi

...Skul benk akaun na sensus ripot i bikpela samting

I kam long pes 1

"Ol dispela i no salim ol ripot bai no inap kisim skul sabsidi mani bilong ol. i gat 5000 skul long kantri we i no statim yet ol benk akaun, na ol i no inap kisim ol sabsidi mani yet, inap wanpela tim i karimaut ol ripot long dispela long pinis bilong mun Mas.

"Olgeta dispela skul i mas givim ol benk akaun namba na ol sensus ripot o enrolment namba i go long ol Provinsal Edukesen opis na ol bai salim i kam long Edukesen Dipatmen long Waigani long mun Mas," Mista Marape i tok.

Plantilong ol dispela skul i nogat benk akaun samting em ol Elementeri skul na ol i stap long ol ruel eria.

Mista Marape i tok Edukesen Dipatmen i no nap salim ol opisa bilong em i karim ol sekmani i go aut long ol provins na ol skul bikos em i bikpela hatwok na tu, ol i westim bikpela mani tumas long mekim dispelpa wok.

"Mipela i kirapim wanpela tim long mekim ol wok painim long ol skul akaun bi-

long ol skul long benk, na tu ol skul sensus ripot.

"Ol dispela (5,000) skul i no wok long mekim samting long statim ol skul benk akaun bilong ol.

"K8 milian i save lus long salim ol edukesen opisa i go aut long ol provins long givim ol sekmani bilong ol skul na em inap nau. Dispela mani emol i save baim ol balus tiket bilong ol opisa, ples bilong slip, kaikai, trenspot i go nai kam long ol provins na ol skul na ol lauwers bilong ol.

"Mi singaut i go long ol provins na distrik edukesen lain ol Distrik na Provinsal Edukesen Bot na ol edukesen edvaisa long mekim samting hariap long olgeta skul i mas gat ol benk akaun bilong ol na mekim wok isi long ol yet long kisim ol sabsidi mani, na long dipatmen.

"Stat long nau, bai nogat opisa i karim ol sekmani na go aut long ol provins na skul," Mista Marape i tok.

Long wankain taim tu, Mista Marape i tok Edukesen Dipatmen i harim toktok bi-

long gavman long rausim Autkam Beis Edukesen (OBE) na ol i mekim samting nau.

"Stat long dispela yia, olgeta skul i stat long elementeri level bai yusim tok Inglis long ol skul olsem tokples bilong lainim, na dispela i bihainim taim.

"Mipela i sanapim wanpela tim bilong ol saveman i gat 5-pela man long em we Pater Jan Zcuba (bosman bilong Divain Wod Yunivesiti) long go pas wantaim helpim bilong Dokta Thomas Webster long karimaut ol wok redi long dispela na toktok wantaim ol stekholda long dispela samting.

"Ol bai wok long Tem ov Referens (TOR) na bai redi long dispela yia long mun Me," Mista Marape i tok.

Long sait bilong sampela Gret 12 sumatin long sampela skul i cheat" o wokim stil pasin long 2012 fainol tes, Mista Marape i tok komiti i mekim wok long dispela samting nau.

"Dispela i no namba wan

taim ripot bilong stik pasin long Gret 12 tes i kamap, nogat. Komiti i mekim ol wok painimaut i karamapim Finkop we Edukesen Dipatmen i stap long en, Mesamen Sevis Yunit (MSU), ol prinsipel na ol skul i wokim dispela pasin.

"Komiti bai painimaut asua i stap we, ol tokwim olsem sampela lain i wok long salim ol ansa tes pepa long strit long bikpela mani na ol kain olsem.

"Mipela i laik konfemim o painim ol tok tru long ol samting i kamap na stopim olgeta dispela stil pasin.

"Long futja o long ol yia i kam, bai i nogat marimari long ol lain i wokim olsem.

"Ol sumatin i mas wok hat long kisim ol gutpela mak long skul.

"MSU i gat bikpela wok long lukautim ol kwesten na ansa bilong ol tes na wok painimaut bai skelim level bilong stil pasin na mekim save husat lain i stap insait long dispela asua," Mista Marape i tok.

Ol polis manmeri mas mekim gut wok

OL sinia polis opisa i kisim ol nupela wok i mas sevim pipel, nupela bosman bilong PNG Polis Konstebuleri Humen Risos Dairekta, Asisten Komisina bilong Polis Francis Tokura i tok.

Mista Tokura i wok dispela toktok long hen ova tek ova seremoni las wik i bin kamap long polis hetkota long Mosbi namel long em na man pastaim i holim wok bilong Polis Humen Risos Dairekta, Superintendent Iven Lakatani.

Superintenden Lakatani nau i trense i go long Lae na kamap Metropolitan Polis Komanda long hap (Lae).

Ol senis long ol top polis opisa i bin kamap long las wik taim Polis Komanda, Tom Kulunga i bin tokaut long ol senis na nupela wok we i bin kamap long 40 sinia polis opisa long kantri.

ACP Tokura i tok moa polis opisa i gat yunifom i wok long mekim ol edministretiv wok we ol man nating i

sapos long mekim long em ol bai lukluk long em wantaim tingting long putim ol komisin polis opisa i go pas long mekim ol polis wok stret.

Long wankain taim, Superintendent Lakani i tok planti wok i stap yet long stretim ol samting we ol i no stretim yet olsem ol lip o malolo pe long ol woklain.

Superintenden Lakani i bin tok tenkyu i go long gavman long helpim em i givim long

2013 baset na tu, long ol humen risos opisa long gutpela sapot ol bin givim long em, ol i ken givim long Mista Tokura.

ACP Tokura i tok wantaim ekspiriens bilong em olsem Sentrel Komanda long NCD i go pas long hatpela pos o wok long kantri, em bai karimaut gut wok. Na em i strongim ol narapela long polis dipatmen long kontrbutim ol tingting bai helpim em long ranim opis.

WANTOK KOMENTRI

Wok hat long bekim bikpela invesmen gavman i putim long edukesen

O'NEILL na Dion Gavman i mekim gutpela samting long putim bikpela hap mani long edukesen. Dispela em i nambawan taim insait long 37 krismas taim PNG i kisim independens long gavman i putim mani stret long samting em i toktok long mekim long en.

Long ol yia pastaim, ol gavman i save toktok tasol ol i no save putim bikpela mani long edukesen na helt sevis eria.

Stat yet long 2011 taim nau gavman i wokim baset o mani plen bilong em, em i putim prairiti i go long edukesen na helt. Dispela tupela em ol sevis eria, tasol edukesen em i eria

we i developim ol humen risos o ol wok manmeri bilong kantri na kantri i ken muv i go fowet.

Long dispela yia, gavman i putim K652 milian long karamapim Skul Sabsidi long inapim Fri Edukesen Polisi bilong em.

Dispela i bikpela manimak tasol wantaim ol bikpela maining, wel na ges projek olsem PNG LNG Projek we kantri i kisim bikpela mani long ol, em i gutpela long yusim mani long developim ol futja humen risos bilong kantri.

I gutpela nau olsem gavman i luksave long bikpela mani kantri i kamapim long ol planti naturel risos bilong em, tasol sampela ol lida na politisen i yusim krangi, stilim na kaikaim wantaim ol family, poroman na ol hauslain bilong ol. Na gutpela stret tingting bilong nau gavman i op na ol i wokim invesmen long edukesen bilong ol yangpela husat bai kamap ol bihain taim humen risos bilong kantri.

Dispela i helpim gut tru planti ol papamama i save kisim hatpela taim long peim bikpela skul fi mani long ol pikinini bilong ol.

Taim gavman i wokim gut na rausim hevi long ol papamama na putim planti pikinini i go long skul, long narapela sait, ol sumatin i mas luksave long bikpela invesmen gavman i putim na wok hat long skul.

Olsem Ekting Edukesen Sekreteri, Luke Taita it ok long dispela wik, "gavman i givim bikpela tingting long humen risos, Edukesen Dipatmen i laikim ol sumaitn long wok hat na lukluk long ol yet olsem ol inap kamap ol gutpela manmeri husat bai kisim kantri i go fowet.

"Stadi hat na mekim gut long skul wok. Yusim taim bilong yupela long mekim gut wok, go long laibreri na bai yupela i kisim ol gutpela mak long inapim bikpela mani gavman i tromoim long yupela," na noken mekim ol pipia samting long bagarapim skul bilong yupela, Mista Taita i tok. Tru tumas, bihainim ol dispela tok stia na bai kantri bai lukim ol gutpela humen risos na ol lida i gat ol stretpela na gutpela pasin, i gat komitmen long wok long developim gut kantri bilong yumi.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Oi poto bilong PNG Customs Sevis Plen lonsing



Minista lonsim Sevis Plen bilong Customs.



Oi pikinini bilong ol opisa i dres long tumbuna bilas na karim Sevis Plen i go antap.



Minista na ol bikmanmeri bilong Kastoms bihain long lonsing.



Oi olupela na nupela opisa i soim Sevis Plen bihain long lonsing.



Asisten Komisina bilong Noten Rijen na tim manesa bilong Komodos Francis Nipuru i kisim tropi long Deputi Komisina Komesel na Koporet Sevis Kesy Sawang.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...



Hot FM go hot moa yet

Nicky Bernard i raitim

HOT FM em wanpela bilong ol nupela redio stesen ol kamap long klostu pinis bilong yia i go pinis, tasol long nau nupela yia em go hot na hot moa yet.

Dispela redio stesen em sista bilong FM 100 we planti manmeri na ol yangpela save putim iau long em long harim Tok Bek So bilong Roger Hauefa na ol musik bilong bipo na bilong nau.

Hot FM na FM 100 i kam aninit long Telikom PNG, we bipo Kalang Edvetaising save lukautim FM 100 tasol na ol save kolim Kalang FM, na taim Telikom PNG kisim, ol senisim nem go FM 100 na em wanpela tasol.

FM 100 i lukim olsem planti ol yangpela bilong nau i gat ol musik na wei bilong ol harim redio, olsem na ol kamapim dispela nupela redio stesen kolim long Hot FM.

Dispela nupela Hot FM tu i wok long pulim planti ol yangpela lain

nau long harim, na dispela i mekim ol go hot moa yet.

Planti bilong ol wok manmeri bilong Hot FM tu e mol yangpela, na ol save gut tru long pulim ol yangpela long harim redio stesen bilong ol.

Hot FM nau i wok long raun long planti hap long Mosbi long karim aut awenes bilong sampela kampani na bilong ol yet tu.

Long wiken go pinis, ol stap wantaim Elektrol Komisin long karim aut awenes bilong LLG ilek-

sen na tu expo bilong soim ol olsem ol ken helpim long dispela LLG ileksen.

Hot FM gat liklik pilai bilong em kam long NCD tasol na dispela pilai em bai yum as painim wanpela bal ol haitim na sapos yu painim bai yu winim sampela prais kam long Hot FM na Telikom

Tru tru Hot FM em hot na planti ol yangpela bai painim hat long mekim kol tai mol harim redio raun long mobail, liklik redio o iau pis gat redio long en.

EMTV Television Guide

FONDE JANUERI 31, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY SHOW
9:00 AM MALOLO CLUB

7:00 PM G RAIT MUSIK
8:00 PM G RESOURCE PNG EP#55
9:00 PM MAO NIKITA S1 Ep# 3/22 - "Kill Jill"
10:00 PM G EMTV NEWS REPLAY
11:00 PM G AUSTRALIA NETWORK

FRAIDE FEBRUERI 1, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM MALOLO CLUB

3:30 PM G KIDS KONA
3:30 PM GOT TO GO Ep#17
4:00PM MAGICAL TALES EP#23/42
4:30 PM G DAYS THAT SHOOK THE WORLD VIDEO SHOW
5:30 PM G AUSTRALIA'S FUNNIEST HOME VIDEO SHOW
6:00 PM G EMTV NATIONAL NEWS
7:00 PM G KUMULS INTERNATIONAL MATCHES

SARARE FEBRUERI 2, 2013

4:57 AM G AUSTRALIA NETWORK

6:30 AM G EMTV NEWS REPLAY
EMTV brings you a flashback of yes terday's National News, sports and weather.
7:30 AM G ULTIMATE GUINNESS WORLD RECORD #6
8:00 AM G YOGA SUTRA EP# 29 Rpt.
8:30 AM G AUSTRALIA NETWORK
5:00 PM G MOTU GADODIA S2 - Ep# 6 repeat
5:30 PM G OLSEM WANEM Ep#2/2013
5:55 PM G PNG DSP 2010 - 2030
6:00 PM G EMTV NATIONAL NEWS
6:30 PM G TWENTY/20 CRICKET MATCH
Australia vs Sri Lanka
9:30 PM MAO THE RIVER S1 Ep#3/8 - "Los Ciegos"
10:30 PM G EMTV NEWS REPLAY
11:00 PM G AUSTRALIA NETWORK

SANDE FEBRUERI 3, 2013

4:57 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN - Cheri Peters
7:00 AM G HILLSONG
7:30 AM G AUSTRALIA NETWORK
8:00 AM G YOGA SUTRA Ep#30 "Twisting"
8:30 AM G BUSINESS PNG repeat
9:00 AM G MARTIN MYSTERY
9:30 AM G OLSEM WANEM repeat
10:00 AM G RESOURCE PNG - repeat
11:00 AM G AROUND THE WORLD IN 85 PLATES
12:00 PM G AUSTRALIA NETWORK
5:30 PM G PACIFIC WAY #23
6:00 PM G EMTV NATIONAL NEWS
6:30 PM G MOTUGADODIA S2 - EP#7/12
7:00 PM G TOK PIKSA - Returns for 2013
7:30 PM G 60 MINUTES - Summer Series

TORO



BIABIA



KANAGE



TOKWIN

Vision City pulap long stail stilman...

Ol sigi long Vision City i nau strongim wok bilong ol..Planti kainkain stail stilmanmeri i raun long Vision City..Ino ol liklik mangi tasol ol traipela papa mama na ating bubuman i wok long stil insait long vision city..

Nambawan stil pasin i kamap em: Wanpela papa Tari i karim raun wanpela plastik beg. Insait long plastik beg em wanpela katen bokis bilong cambris smuk i stap insait. Insait long dispela cambris katen em ol katbot em katim katim likliklik na pulumapim insait long wan-

wan bokis bilong smuk na pasim gut tru olsem ol fektri i bin pasim. Em i gat mani long baim narapela katen cambris smuk na wokbaut i go long ples bilong salim smuk na askim meri long kaunta long givim katen (24 gross) cambris smuk. Em i givim moni long meri na meri i laik go long til na senisim moni, long semtaim man yah i senisim giaman cambris na putim antap long kaunta. Taim meri i kambek long givim senis, man bai tokim meri olsem, maski karim pallmall grin i kam na putim bek cambris. Dispela taim em popaia bikos taim meri yah i laik apim bokis na putim bek, em pilim olsem hevi bilong bokis ino wankaim bipo. Em singautim ol sigi i kam na

sekim bokis na kamautim olgeta katbot i kamaut...O sore, fada man em kisim stret...
Nambatu stil pasin: Wanpela mama Simbu werim taita na putim long meri blaus na siket na go giaman raun insait. Nogat man i lukluk na em haitim tenpela liklik tin Ox & Palm insait long taita bilong em na wokabout raun i stap. Mi no save tasol, wanpela tin mas kaikaim em insait na meri painim hat long wokabout. Ol sigi i lukim em na saspek olsem meri i hatim sampela samtin insait long sangana bilong em. Hariap tru ol sigi meri karim em igo long toilet na painim tenpela buli bif pas gut tru long taita bilong em...Yu save pinis..Tok i dai long hap..

Tokwin tasol

A	T	R	I	T	H	F	T	V	F	S	I	A	S	L	A
4	J	L	S	M	V	A	L	V	U	E	S	C	L	L	
L	S	E	S	L	A	L	E	I	W	L	F	C	L	J	L
I	T	F	A	K	S	F	L	F	A	A	X	N	H	I	
I	T	F	A	K	S	F	L	F	A	A	X	N	H	I	
S	=	=	U	L	=	=	C	S	L	E	L	C	L	I	J
S	=	=	U	L	=	=	C	S	L	E	L	C	L	I	J
A	T	V	O	J	=	=	W	A	T	C	F	A	T	F	F
L	I	J	L	J	A	=	U	A	S	=	L	L	L	L	
I	T	L	F	H	I	K	V	H	E	H	I	T	E	C	
S	J	B	L	S	S	C	E	W	F	E	D	O	E	C	
S	J	B	L	S	S	C	E	W	F	E	D	O	E	C	
I	Y	E	F	H	I	L	L	P	K	L	Y	U	L	L	
I	T	F	A	K	S	F	L	F	A	A	X	N	H	I	
T	=	=	F	A	T	I	F	H	T	=	=	F	H	T	
W	S	E	A	=	=	J	N	E	D	A	L	L	S	A	
A	L	=	I	L	U	O	I	E	R	A	H	N	L	I	S

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAL	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2	4	9	6	1	5
	3		8		
	8	1		4	9
7			1	4	
		3		9	
9	6			3	2
	2	7			
			7		
3	6		1	4	8

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

T	A	R	A	B	A	U	B	I	L	O	N	G	N	A	I	T	
				S													
K				E				K	U	M	U	L			P		
A				K	A	L	A	N	G	A	R				I		
K				A										S			
A				K	O	K	O	M	O			S	I		K		
R				T							A	N		K	O		
G	U	R	I	A	A			R						A	K		
K						R		G						P	V	I	
							A				P	I	P	I	V		
					P	A	T	O	L	G			B				
I					O	E					A	A		I	B		
A					K	P					U	L			U		
N		T	T						K	A	K	A	T	U		K	
A	O		I									S			A		
K			A														
W					S	U	B	G	N	O	L	I	B	L	U	A	P

Ansa bilong las wik Pasol

EMTV Television Guide

8:30 PM MAO MOVIE: THE LONG WEEKEND	3:30 PM GOT TO GO #14	TUNDE JANUERI 29, 2013	7:00 PM G HAUS & HOME – Best of 2012	Bugs Bunny
10:30 PM G HILLSONG Rpt....	4:00PM MAGICAL TALES Ep#20/42		8:00 PM G BUSINESS PNG – Returns for 2013	1:00 PM G ONE DAY CRICKET – Australia vs Sri Lanka
11:00 PM G NATIONAL EMTV NEWS – Replay	4:30PM THE SHAK		8:30 PM PGR SURVIVOR PHILIPPINES S25 Ep #12 – Shoot Into Smithereens	Game 5
12:00 AM G AUSTRALIA NETWORK	5:00 PM G KITCHEN WHIZ	4:57 AM G AUSTRALIA NETWORK	9:30 PM G EMTV NEWS REPLAY	5:00 PM G FUNNIEST HOME VIDEO SHOW
	5:30 PM G AUSTRALIA'S FUNNIEST HOME VIDEO SHOW	5:00 AM G JOYCE MEYER	10:30 PM G AUSTRALIA NETWORK	5:30 PM G ONE DAY CRICKET – Australia vs Sri Lanka
MANDE JANUERI 28, 2013	5:57 PM G CRIME STOPPERS	5:30 AM G EMTV NEWS REPLAY		Game 5 - continues
	6:00 PM G EMTV NATIONAL NEWS	6:30 AM G TODAY		5:57 PM G CRIME STOPPERS
	EMTV brings you what's happening around the country and abroad in news, sports and weather.	9:00 AM G MALOLO CLUB	TRINDE JANUERI 30, 2013	6:00 PM G EMTV NATIONAL NEWS
4:57 AM G AUSTRALIA NETWORK	7:00 PM PGR David Ireland – THE WILDLIFE MAN : Swim with the Devil	Four Brothers		7:00 PM G ONE DAY CRICKET – Australia vs Sri Lanka
5:00 AM G JOYCE MEYER	8:00 PM MAO THE MENTALIST 1 – Ep# 3/23 "Red Tide"	Batman Begins – repeat		Game 5 - continues
5:30 AM G EMTV NEWS REPLAY	8:57 PM G TOKSAVE with KEVANI MADO	Your Highness		10:00 PM G EMTV NEWS REPLAY....
6:00 AM G TODAY	9:00 PM G TOKPIKSA – BEST OF 2012	Bugs Bunny		11:00 PM G AUSTRALIA NETWORK
9:00 AM G MALOLO CLUB	9:30 PM G EMTV NEWS REPLAY	3:30 PM G KIDS KONA		
Ban Carson Story	10:30 PM G AUSTRALIA NETWORK	3:30 PM GOT TO GO Ep#15		
Step Up 2 – repeat		4:00PM MAGICAL TALES Ep#21/42	4:57 AM G AUSTRALIA NETWORK	
Step Up 3		4:30PM THE SHAK	5:00 AM G JOYCE MEYER	
Mulan – repeat		5:00 PM G KITCHEN WHIZ	5:30 AM G EMTV NEWS REPLAY	
Bugs Bunny		5:30 PM G AUSTRALIA'S FUNNIEST HOME VIDEO SHOW	6:30 AM G TODAY	
3:30 PM G KIDS KONA		6:00 PM G EMTV NATIONAL NEWS	9:00 AM MALOLO CLUB	
			Blade 3: Trinity	
			Men at Work – repeat	

Ol Progam na Kilok i ken tenis oltaim...

Raun wantaim Kanage olgeta wik



MP3

KANAGE kalap long Manu na laik go long 4 mail. Em i gat tingting long lukim ol poro bilong em na em i kalap long go lukim ol.

Namel long hausik rot boi laik rausim gas tasol em i lukim olsem planti manmeri na em i sem pipia long rausim long ai bilong ol man.

Tasol musik tu i no isi. Em i pairap nogut tru na hat long harim narapela man long bas. Boi kisim tingting na tok em bai bihainim tasol musik na rausim isi isi i go inap em kamap long 4 mail. Singsing blo Squatters on na boi bihainim fiun wantaim singsing na rausim kaps. Sampela ol bit bit wan tu em i no isi. Kabs blo Kanage tu i wokim gut tru wantaim musik.

Kamap klostu long 4 mail na em i pinisim stret kaps na tu musik i pinis. Boi kirap na baim bas fe na laik kalap go daun, tasol olgeta manmeri long bas i wok long lukluk strong long em na pasim nus wantaim.

Na nau em i tingim olsem, em i gat MP3 long iau bilong em na i no musik bilong bas.



long pisin tu long bebi. Bebi i amamas nogut tru na bipo em i laik kam daun long graun em i askim Jisas olsem, "Bos, yu mekim mi gut tru na givim tu tupela wing long flai. Em i min olsem mi wanpela blak ensel bilong yu a?"
Nau Kanage tok Jisas i lap na bekim toktok bilong bebi olsem.
"O plis Niga. Maski amamas nating yu em bilak bokis ya."

JORDON GEREHU

ELEPHANT NA RAT

KANAGE em bilong ples Afrika. Olgeta lain Afrika i save lukautim ol kain kain animol. Na i tambu long kilim animol bilong narapela wanples. Kanage gat wanpela elephant. Tasol wanpela taim nau, elephant dai.

Em i wari nogut tru na em askim sif bilong ples long bungim ol biklain na askim husat kilim elephant bilong Kanage.

Nait nau olgeta i bung tasol olgeta nogat save husat kilim elephant bilong Kanage. Tasol wanpela lapun man kirap isi tasol na tokim ol.

"Mi lukautim rat bilong mi klostu 5-pla mun nau na em i tokim mi olsem em i gat bel. Long bik moning rat i go lukim elephant bilong yu, Kanage na tokim em olsem, EM PAPA BILONG BEBI.

KOKO GEREHU

DT GEREHU 3B

BILAK BOKIS

KANAGE em wanpela kon man na em i wok long stori long ol pikinini long ples KarKar. Tasol olgeta pikinini i save laikim ol stori bilong em bikos sampela taim em i save fani nogut tru.

Dispela taim nau em i wok long stori long wanpela blak bebi wantaim Jisas. Em i tok, Jisas i wokim wanpela blek bebi na tu em i wokim tupela wing bi-

Martin Ipitango Galu Erave S.H.P

Mi wari olsem nogut gelpren i lusim mi, na mi laikim helpim

Dia Laipain,

PRENPASIN bilong mi na poromeri bilong mi i bin stat foapela yia i go pinis. Maski mitupela i bilong narapela provins, tasol mitupela i save bung yet wantaim ol papa-mama bilong mitupela na ol i amamas long mitupela bai marit. Mi lusim wok pinis bikos long sait bilong famili, tasol poromeri bilong mi i gat gutpela wok.

Mi gat bikipela wari long gelpren bilong mi bai lusim mi, bikos mi nogat wok long sapotim marit bilong mitupela.

Worried Over Loosing Job

Dia Pren,

Mipela i save long wari bilong yu nau, bikos yu lusim wok bilong yu. Yu bin tokaut olsem yu traim wei long painim nupela wok nogut gelpren bilong i lusim yu, na tu bikos em i gat gutpela wok, em i no stap tumas long yu long sapot bilong em. Ating long yu yet, yu pilim nogut bikos em i wok long sapotim yu na yu nogat, sapos poromeri bilong i tokim yu olsem orait, yu askim em, sapos em laikim yu tumas o nogat bikos long laikim bilong wanpela-narapela em bai tingting sore long kain hevi yu stap long en na bai traim long helivim yu painim wanpela nupela wok. Dispela kain lain i soim stret ol pasin na piksa bilong ol long yu i maritim na stap



wantaim long sait bilong yu long taim bilong trabel na i no i nap ronawe long yu.

Yu kisim referens bilong yu long ples yu bin wok long en pastaim? Sapos nogat, orait mipela i laikim bai yu go kisim bikos em bai i helpim yu long painim nupela wok. Ol kampani i save kisim ol lain we i gat ekpieriens na i no tumas ol lain we i gat liklik o nogat ekpieriens. Maski em i no isi, bat mipela i bilip yu ken painim nupela wok.

Sapos poromeri bilong yu i no lusim yu bikos yu nogat wok, dispela i soim olsem em i laikim yu tumas, tasol bai i no gutpela long yu maritim em. Mipela i laikim yu na gelpren bilong yu long sindaun na toktok gut na mas tokaut stret long hevi bilong yu tupela na wanem samting long mekim bai yu ken painim nupela wok. Yu kisim skul toktok o tingting tu long ol famili bilong yu? Sapos em i laikim yu tumas, em ken save, traim long helpim na sapotim na sapos em i soim intres long hevi bilong yu; orait em i no laikim yu tru.

Pren, trupela laikim i nogat boda bi-

long em na foapela yia em i longpela taim tumas. I luk olsem yu wari yet long prensip bilong yu wantaim gelpren bilong yu.

Yu lukim Love long wanem kain we? Mipela i laikim yu long painim mining bilong dispela tupela wod. Love na Lust; dispela i ken strongim yu long pilim gut na mekim samting gut na rait i kam long mipela.

Bilong wanem yu lusim wok? Yu lus tingting long famili isu o nogat. Sapos nogat, mipela i laikim yu long mekim pis o bel isi na sekan pasin wantaim ol na tu gelpren bilong yu i save tu o nogat? I gutpela yu toktok wantaim em long hevi yu gat na bai em i ken save na helpim yu tu.

Mipela i laikim yu long kisim moa helpim long famili memba o gutpela pren bilong yu.

Pren bilong yu,

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

NEM: Ludwick Monduk

KRISMAS: 25 (man)

ADRES: C/- Clerance Kombukun, PO Box 302, Kimbe, West New Britain Provins

SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio

KRISMAS: 22 (meri)

ADRES: Lae Ever Green, PO Box 167, Lae Morobe Provins

SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore

KRISMAS: 26 (man)

ADRES: C/- Christ For The Nations, PO Box 1332, Lae, Morobe Provins PNG

SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps

KRISMAS: 24

ADRES: K- Toro Hire Cars, PO Box 111, Vanimo, Sandaun Provins

SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo

KRISMAS: 34 (meri)

ADRES: PO Box 35, Agona Nyakrom, Ghana - Phn: 0023354787139

SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori

KRISMAS: 18 (meri)

ADRES: Marinumbo Primary School, PO Box 352, Wewak, East Sepik Provins

SAVE LAIKIM: Harim musik, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai

KRISMAS: 15 (meri)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Go Lotu, lukluk CD na pilai spots.

NEM: Nasain Calvin

KRISMAS: 14 (meri)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Pilai Spots, Go Lotu, Lukim CD na rit planti

NEM: Karl Pewa

KRISMAS: 30 (man)

ADRES: Semoroks Gospel Club, PO Box 3368, Lae, Morobe Provins.

SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat i gat strongpela tingting long pilaim musik bilong God.

NEM: Darren Calvin

KRISMAS: 15 (man)

ADRES: Yaraka Memorial School, PO Box 532, Kavieng, New Ireland Provins

SAVE LAIKIM: Lukim CD, Pilai Spots na Ridim buk

Toktok i kam long Komisina bilong Kastoms

Long makim lonsim bilong Kastoms Sevis Plen 2013 – 2017

Honorabel Minista na ol bikmanmeri, mi laik kisim saspela minit tasol long lukluk bek long histri bilong dispela ogenaisesen.

Kastoms Administresenn bilong Papua Niugini i gat longpela histri i go bek long kirap na developmen bilong moa long 124 yia i go pinis taim namba wan Kastoms Pot bilong Pot Mosbi na Samarai i bin sanap long Septemba 20, 1888.

Namba wan ol lain Papua Niugini long kamap Kontrola bilong Kastoms (em bipo, ol i kolim ol, ol Komisina), em long 1978. Bihain long em i kam inap nau, mipela i bin gat faivpela Komisina bilong Kastoms, na makim bilong mi long dispela wok em long Septemba 2012, i mekim mi wanpela laki Papua Niugini man tru long holim dispela wok Komisina ov Kastoms.

I ga as long mi bringim ap sabjek long histri bilong PNG Customs, na mi bai tok klia long en bihain liklik.

Dispela 5-yia Sevis Plen i makim pulim na opim bilong wok karimaut bilong stratejik modenaisesen eksen plen fomulesen bihainim Wol Kastoms Ogenaisesen Daieknostiks rivu i bin kamap long pinis bilong yia 2007.

Watpo na PNG Customs i kolim dispela menesmen plen wanpela Sevis Plen?

As bilong dispela em mipela i save harim oltaim, ol 'Koporet Plen' ol i save lonsim. Sampela long ol dispela plen em i save gat kankain bikpela toktok tru; na husat i ritim, bai hat long save gut long tok ol i givim.

Ol arapela plen i no save gat planti toktok na tok stia long wanem samting ol i stretim na ol rot bilong bihainim insait long wok menesmen long mobeta wok menesmen.

Ol arapela plen, em ol i save kamapim olsem ol albam grafik na



Komisina bilong Kastoms, Ray Paul, wantaim Pemanen Sekreteri bilong Fainens, Shadrack Fanega, long Honiara, Solomon Ailans.

poto tasol.

Olsem na PNG Kastoms i gat narakain nem bilong wanpela 'Sevis Plen', na samting we i mas soim klia olgeta samting mipela i tok bai mipela i mekim, na bihain, givim sevis long ol stekholda bilong mipela.

Ol manmeri, insait long las tripela yia taim PNG Kastoms Sevis i bihainim wok senis na developmen bihain long em i lusim Intenal Revenu Komisina, mi na ol arapela Kastoms Eksekutiv na sinia menesa i bin bungim planti ol salens.

Pastaim, mi bin toktok long longpela histri bilong PNG Kastoms, na ol menesmen histri bilong en we planti arapela Papua Niugini man i mekim pastaim long mi kisim dispela wok.

Hia, mi laik lukluk long tupela namba wan PNG man, em Paul Lokei, na Pius Saun. Tupela wantaim i bin menesim bipo Buro bilong Kastoms na Eksais namel long 1978 na 1992, pastaim long gavman i bin senisim na bungim wantaim Teksesen Opis.

Moa long 17 yia, na sapos mi ken tok, PNG Kastoms i bin asua na lusim luksave na wok trutru bilong en.

Bihain long em i lusim takis opis, ol arapela liklik grup PNG manmeri i bungim tingting long stiaim bek lukluk na wokabout bilong PNG Kastoms na long givim gut bekim long samting gavman na ol industri stekholda bilong yumi, na jeneral pablik i laikim long Kastoms Administresen tude.

"Mi givim luksave long Mista Gary Juffa, Gavana bilong Oro, husat i bin go pas long

rausim PNG Kastoms long narpela opis, na nau, mipela i stap sanap mipela yet."

Laspela tripela yia i no isipela yia. Ol memba bilong sinia eksekutiv na mi yet, wantaim sapot bilong ol gutpela savemanmeri long kantri na tu long Australia SGP i mekim gutpela wokabout long sanapim gut PNG Kastoms olsem wanpela strongpela ogenaisesen bilong gavman.

Yes, mi save olsem mipela i bin asua liklik, tasol mipela i no surik long ol dispela asua. Mipela i kisim skul long ol, na strongim wok bilong mipela long menesim gut ol risos mipela i gat. long givim sevis long inapim ol laik bilong gavman, ol stekholda long industri na ol pipel bilong yumi.

Planti taim, long ol bikpela salens, em i isi long lukluk long bipo na gris tingting i save kam bek long givim bek dispela wok long lukaut bilong IRC.

Minista, mi bai nidim politikal sapot bilong yu long noken larim mipela i go bek long dispela sindaun bilong bipo, bikos tripela yia i

go pinis, PNG Kastoms na menesmen na wok manmeri bilong en i luksave gen long ol wok tru bilong ol. Olgeta sans i mas go long ol long kamapim wanpela mobeta ogenaisesen, i sanap long histri bilong en olsem wanpela bikpela memba bilong Wol Kastoms Ogenaisesen.

Dispela em tingting PNG Kastoms i makim kos bilong en insait long Sevis Plen, na i laik stap strong long mekim ol gutpela kontribusen long developmen bilong kantri, na faivpela nesanel gol na gaiding prinsipol bilong Konstituse, spirit na bilip bilong en we i stap insait long Visin 2050 na ol wok karimaut i stap insait long PNG Developmen Stratejik Plen.

Mipela i orait long planti ol salens i stap long PNG Kastoms, we ol tok pretim i kam long ol lain raskol insait na ausait long kantri; nid bilong gutpela wok sekim ol bikpela namba intanesenel wok bisnis na wokabout; strongim ol gutpela stekholda patnasip; senisim ogenaisesen na inapim ol risos; na ol rot bilong stretim ol pinisim ol paul pasin bai stap wankain yet bilong mipela.

Dispela 2013 – 2017 Kastoms Sevis Plen i gat ol gutpela rot stia bilong inapim laik bilong ogenaisesen na bekim o daunim kamap bilong ol birua i kam long ol salens bilong mipela.

Wantaim save bilong laspela tripela yia i go pinis, PNG Kastoms eksekutiv na menesmen nau i gat klia luksave long rot i go het bilong dispela bikpela ejensi bilong gavman.

Mipela i laik strongim na stretim ogenaisesen straksa long inapim ol askim bilong wok karimaut na ol sevis plen bilong bihainim taim; long strongim ol rot bilong mekim disisen na komyunikesen; strongim ol loa na ol instraksenal rot bilong trening na ol stendat

opereting prosidia o rot bilong ol kastoms opisa, sanapim wanpela trening institute bilong PNG Kastoms; strongim kodinesen na menesmen bilong ol stekholda; pulim yusim bilong risk menesmen astingting i bo long ogenaisesen na yusim gut ol nupela teknoloji we i save strongim ol boda kontrol wok na apim mak bilong ol wok operesen level.

Ol yia i kam bai bringim planti ol salens na rot bilong painim gutpela sindaun bai hatpela rot.

Tasol mi bilip strong olsem ol wokmanmeri bilong yumi long PNG Kastoms i ken lukluk i go het long ol gutpela taim i stap yet, taim mipela i go het long wok bilong mipela long kirapim bek ogenaisesen, bildim wanpela wokfos i gat bikpela save, strongim ol wok sindaun long luksave na holim bek ol gutpela woikmanmeri, na tu, long bihainim ol ogenaisesen veliu bilong mipela we i sanap strongim laik bilong mipela long kamap wanpela model ejensi bilong gavman long Papua Niugini.

Ol manmeri, mi lukluk i go het long salens bilong stiaim wanpela strongpela wok karimaut bilong dispela plen. Mi save tu olsem mi no inap mekim mi yet.

Mi bai nidim ol namba wan savemanmeri long ol wokman bilong mi, na ol praivet sevis provaida long sait bilong kastoms long bringim PNG Kastoms i go het long mitim ol salens we minista bilong yumi, gavman, ol industri stekholda na moa yet, ol pipel bilong yumi i nidim long yumi.

Minista, mi lain pinisim tok long tok tenkyu long yu na sapot yu givim long laspela tripela yia, na mi bai go het yet long askim long gutpela luksave bilong yu, wokbung long painim ol risos na politikal sapot mi bai nidim long strongim PNG Kastoms, bai em i ken wok gut na karimaut stret Kastoms Sevis Plen 2013 – 2017.

PNG Kastoms i sainim MoU wantaim ol Solomon Ailans wanwok

PNG Kastoms Sevis i pinisim wanpela long sampela ol bikpela Memorendum ov Andastending (MoU) long 2012.

Wanpela MoU long sait bilong wanbel administretiv halivim long Kastoms wok namel long PNG Kastoms Sevis na Solomon Ailans Divisen bilong Kastoms na Eksais bilong Ministri ov Fainens em Komisina bilong Kastoms, Ray Paul i, i sainim pinis wantaim Pemanen Sekreteri bilong Fainens, Shadrack Fanegaon long Mande, Januəri 3, 2012 long Honiara, Solomon Ailans.

Dispela sainim, ol i witnessim long makim PNG gavman, em PNG Hai Komisina i go long Solomon Ailans, His Ekseleensi Brian Yombom-Copio i stap.

Kontrola bilong Solomon Ailans Divisen bilong Kastoms na Eksais, Nathan Kama, i bin stap, makim gavman bilong en.

Solomon Ailans Kastoms Sevis em i wanpela long etpela divisen i wok aninit long Ministri bilong Fainens na Pemanen Sekreteri



Komisina bilong Kastoms, Ray Paul, wantaim Pemanen Sekreteri bilong Fainens, Shadrack Fanega, long Honiara, Solomon Ailans.

bilong Fainens em i administretiv bosman bilong Ministri.

Long sainim, ol memba bilong Solomon Ailans gavman i kam long Foren Afes, Fainens, Australia gavman opisa aninit long Strongim Gavman progrem na ol sinia kastoms opisal long PNG na Solomon Ailans i stap.

Komisina Paul, insait long opisal

toktok bilong en, i luksave olsem MoU i bin wanpela samting bilong long taim yet long ol sindia opisal miting, enual sinia level boda toktok namel long PNG na Solomon Ailans, long las faivpela yia, na sainim em wanpela bikpela luksave i kamap insait long pasin pren namel long ol kastoms administresen bilong tupela kantri.

Dispela i minim olsem sainim bilong MoU, level bilong wok bung, moa yet long ol eria bilong serim infomesen na kapesiti sapot namel long tupela ogenaisesen, bai strong moa yet.

Paul i tok strongim ol Solomon Ailans kastoms long simenim gut sanap bilong en olsem go pas ejensi long boda sekyuriti na enfosmen aninit long Ministri bilong Fainens, na stap long ol rijenal na sab-rijenal miting olsem MSG TOM long Kastoms.

Em i sapotim sanap we MSG Sekreteriet i go het long mekim insait long luksave olsem Boda Savelens na monitoring bai strong moa long level bilong ol teknikal opisal, we i larim ol kantri long luksave long ol salens na isiu ol wanwan kastoms administresen bilong ol i bungim pastaim long ol i tok wanbel long ol polisi na strateji long ol sinia opisa level, we i no save kamapim gut wok.

PNG na Solomon Ailans i serim wanpela solwara boda, olsem na ol isiu na salens tupela i bungim i wankain na bainidim wokbung

long bungim na stretim ol.

Longpela taim luksave bilong PNG Kastoms em long plenim na developim wanpela Boda Kontrol Komand insait long ol wok em i mekim pinis, we bai lukluk long strongim menesmen na lukautim bilong ol boda na givim wanpela gutpela level bilong boda sekyuriti na banis bilong ol pipel bilong yumi.

Kwolati bilong sevis dispela komand bai givim long ol pipel bilong yumi bai sindaun long level bilong wokbung PNG Kastoms bai inap long kisim long ol wansolwara kantri olsem Solomon Ailans, Australia na Indonesia.

Paul i pinisim tok na tok olsem tupela administresen i ken kisim planti gutpela samting aninit long dispela MoU ol i sainim.

Teknikal halivim, kapesiti bilding na kwiktam tilim bilong inteligjens long wanwan ol operesen insait long rijen bai go het long ol eria PNG Kastoms i laik lukim, na em i bilip olsem dispela bai go het long nupela yia.



Wanem samting i stap insait long sevis plen?

LUKSAVE bilong PNG Kastoms Sevis Plen 2013-2017 i karamapim ol olupela bikpela astingting o wokmak i stap insait long bipo tripela yia transisenal Sevis Plen.

"Dispela 5-yia plen i makim surukim na opim bilong karimaut stratejik modenaisesen eksen plen i kamap bihainim Wol Kastoms Ogenaisesen rivi u bin kamap long 2007," Komisina Ray Paul i tok insait long Sevis Plen.

"Sampela ol eria bilong strongim aninit long daieknostik rivi u makim nid bilong mobeta stratejik menesmen, komplaiens strateji, gutpela yusim bilong ICT, humen risos menesmen na developmen, mobeta yusim bilong risk menesmen, introdaksen na gutpela yusim bilong ol nupela teknoloji; na mobeta kodinesen bilong ol wok pren wantaim ol arapela lain."

Em i tok dispela em ol samting bilong strongim wok insait long dispela Sevis Plen, na i mas kamap bilong strongim save na wok mak bai ogenaisesen i ken wok gut long boda menesmen, tred fasilitesen na kisim ol winmani.

"PNG Kastoms i stiaim pinis

Sevis Plen bilong en na i laik inapim olgeta taim na wokmak bihainim developmen bilong kantri, olsem i stap insait long faivpela nesenel gol na gaiding prinsipol bilong Konstitusen, na spirit na laik bilong en i stap insait long ol bikpela pos bilong Visin 2050 na karimaut ol wok i stap aninit long PNG Developmen Stratejik Plen," Komisina i tok.

"Ol bikpela salens i bungim PNG Kastoms em ol birua bilong ol kros boda raskol pasin; nid bilong mobeta sekim na prosesim ol intanesenel wok bisnis na wok-abaut; strongim gutpela stekholda wok-pren; ol senis long ogenaisesen, na inapim ol risos; na ol rot bilong rausim ol paul pasin, na em bai stap wankain yet bilong ogenaisesen."

Paul i tok moa olsem ol strateji, ol i inapim bilong bekim o daunim birua ol i ken givim long kantri.

OL bikpela eria bilong PNG Kastoms long ol yia i kam, em bilong strongim na stiaim gut ogenaisesenal straksa long inapim wok bilong karimaut dispela sevis plen, na ol arapela sevis plen bilong bihain taim; long strongim ol



Ol Kastoms opisa long Jackson ples balus long Pot Mosbi.

rot bilong mekim disisen na komyunikesen; modenaisim ol loa na ol wok skulim bilong trening na ol standat opereting prosidia bilong ol kastoms opisa; sanapim long wanpela trening institute bilong PNG Kastoms; strongim kodinesen na menesmen bilong wok wantaim ol stekholda; opim yusim bilong ol risk menesmen astingting i go long olgeta hap wok bilong

ogenaisesen na yusim gut ol nupela teknoloji i ken strongim ol boda kontrol wok na apim level bilong ol wok operesen.

"Ol yia i kam bai bringim planti ol salens na rot bilong kisim gutpela taim na sindaun bai hat."

"Tasol ol wokmanmeri long PNG Kastoms i save hatwok, i ken lukluk i go het long planti ol gutpela yia i stap yet taim mipela i wok-

about isiisi i go long ol wok modenaisim, bildim ol wokfos i gat inap skil na save, strongim ol wokples sindaun, na rot bilong givim luksave na holim ol gutpela wokmanmeri, na tu, long bihainim stret ol ogenaisesenal veliu we i holim strong laik bilong mipela long kamap wanpela model ejensi bilong gavman long Papua Niugini."

Ol bikpela wok eria bilong faivpela yia i kam

OLSEM i stap insait long Kastoms Sevis Plen 2013 - 2017, i gat sampela ol bikpela eria bilong PNG Kastoms.

INSTITUSENAL KAPESITI

Kamapim institusenal kapesiti o mak bilong bisnis em i wanpela wok we bai makim strong bilong administresen na straksa, risos level na ol operesenal tuls i stap bilong PNG Kastoms long wok gut, na wok stret.

OPIS AKOMODESEN

Sindaun i stap nau bilong ol opis akomodesen o ples bilong wok, bilong kastoms hetkwota na operesen em tupela kain. Ol i rentim, na we ogenaisesen yet i papa long en. Ol rijenal kastoms opis i orait.

Tasol bai gat nid bilong strongim gut ol opis i stap nau, o we bai ol i senisim i go long ol bikpela moa ples olsem ol pot opis, bilong kisim moa wokmanmeri.

Lis bilong opis akomodesen bilong PNG Kastoms hetkwota na Sauten Rijenal Opis i abrusim tripela yia wantaim rot i stap bilong



Staff haus ol i opim long Madang on 2012.

opim i go moa yet. Kastoms menesmen i nogat narapela rot, na bai yusim rait bilong en long bihainim plen bilong bildim ol opis bilong ogenaisesen yet long daunim hevi bilong rentim ol bikpela opis ples long bikpela mani insait long Nesenel Kapitel Distrik.

HAUS BILONG OL WOK-MANMERI

Long ol yia i kam, PNG Kastoms bai go het long rolim aut ol institusenal haus-slip bilong ol wokmanmeri projek long bildim wanpela bikpela haus pul long

olgeta tripela rijen.

Dispela em i wanpela bikpela samting bilong lukautim wokabaut bilong ol wokmanmeri, na long givim wok developmen rot bilong ol kastoms wokmanmeri long taim bihain.

STRAKSAREL ALAINMEN

Karimaut bilong straksa i stap pinis i soim sampela ol bikpela asua long sait bilong koman, komyunikesen, na rot bilong ripot.

Namba wan em nogat klia luksave long wok bilong sampela ol sinia posisen na seksen.

Ol dispela samting bai kisim wok glasim na wok bai go het long rausim ol paul tingting na mekim straksa i givim klia rot bilong ol wok na lain bilong komyunikesen i mas stap long lukim wok bihainim bilong sevis plen.

SINDAUN BILONG OL WOKMANMERI

Inap long 2013 na 2014, rikrutmen agensim 483 posisen aninit long straksa i stap nau bai pinis.

Wanpela wok skelim o asesmen bilong ol wokmanmeri level ol bai nidim bihain long 2017, wantaim ol nupela eria bilong wok bai stap ples klia, na bai ol i tingim long painim nupela senis long straksa, na bihain, long bihainim wanpela ol arapela wok ristraksa.

ASET MENESMEN NA KONTROL

Aset menesmen na kontrol i nidim wok strongim na moa luksave long akauntabiliti long ol aset, na strongim menesmen na kontrol bilong ol aset, wantaim apdet bilong aset rejista.

PNG Kastoms makim Intanesenel Kastoms De

PNG Kastoms Sevis i bin makim Intanesenel Kastoms De wantaim wanpela famili de long Pot Mosbi long Sarere, Januari 26, 2013.

Ol spot pilai i lukim faivpela tim i resis long soka, volibal, basketbol na tas ragbi.

Long pinis bilong en, Northern Komodos i bin sanap strong na karim namba wan trofi. Ol arapela tim em CCS Dolphins, BS Grasshoppers, Southern Tigers na Island Sharks.

Ol Komodos em ol opisa long Lae, Madang, Wewak, Vanimo na Maunten Hagen.

Wol Kastoms Ogenaisesen (WCO) i makim dispela yia 2013 long promosen bilong invoesen wantaim het tok: "Innovation for Customs Progress".

WCO websait, www.wcoomd.org i tok klia olsem het tok bilong dispela yia, em ol i makim bikos:

"Ol WCO memba na ol

patna bilong ol bai gat sans long promotim ol nupela aida na pasin we ol i karimaut, ol nupela patnasip ol kamapim, na tu, ol nupela rot bilong stretim ol hevi na teknoloji ol i yusim."

Planti Kastoms administresen long wol i makim Intanesenel Kastoms De wantaim kain kain ol ektiviti na pilai.

Bipo, PNG Kastoms i no save amamasim Intanesenel Kastoms De, long kain kain as, tasol nau, ogenaisesen i pasim tingting long mekim kamap olgeta yia, long luksave long ol opisa bilong en long bikpela wok ol i save mekim long kantri, na long strongim ol long wok long inapim pesenal, wok, nesenel, na intanesenel ol gols na objektiv.

Famili de em ol Kastoms opisa na famili bilong ol i amamasim, wantaim tu ol mausmanmeri long olgeta Kastoms sipbris na opis long kantri.

Ol Kastoms brokas i mas rejista wantaim nupela Kastom Brokas Asosiesen

WANPELA nupela na bikpela Memorandum ov Andastending (MoU) Kastoms i sainim em nupela Kastoms Brokas Asosiasen (CBA) long Desemba.

Long taim bilong sainim, Kastoms Komisina, Ray Paul i tokim olgeta impota, ekspota na bisnis haus long kisim was gut long ol man husat nogat laisens. Na ol i mas givim ol laisens brokas tasol.

"Sapos yu nogat laisens, ol wok bilong yu bai nonap go insait"

Long Jenuari 2013, olgeta kastoms brokas mas rinium laisens bilong ol.

Mak long Jenuari 1st, 2013, mipela i givim tenpela de bilong marimari na laik olgeta brokas i



Nupela Kastoms Brokas Asosiasen (CBA) na Kastoms i sainim Memorandum op Undstaddin (MoU).

rinium laisens bilong ol," Kominisa i tok.

Mi i laikim tu olgeta kastoms

broka long kamap memba bilong CBA. Em i bikpela samting olsem olgeta kastoms broka i stap aninit

long CBA na bai gat wanpela maus.

I bin gat planti stori long bipo we ol brokas i save go lukim ol kastoms opisa stret long stretim ol laik bilong ol yet. Mi laikim dispela long stop na laik lukim olgeta wari bilong ol bai ol i karim kam long CBA tasol," Komisina Paul i tok moa.

Kominisa i tok moa tu olsem tingting tru bilong MoU em long sekim na stretim tupela parti wantaim.

"Mipela i gat planti hevi na mipela mas wok wantaim long stretim"

PNG kastoms i tokim na sapotim olgeta bisnis haus long larim olgeta broka bilong ol long kamap

memba bilong CBA.

Olgeta siping ejensi na olgeta ona bilong olgeta sip husat save kisim ol broka long wokim wok bilong ol mas mekim wankain tu.

Aninit long MoU, kastoms i mas givim trening na skul long olgeta broka wantaim konsaltesen bilong CBA.

Kominisa i tok tu olsem trening bai putim wantaim wanpela rifresa na trening long kastoms tariff.

CBA Presidan, Jason Hauo i bin amamas tru long lukim MoU i kamap bihain long wait longpela taim true. Em i tok moa tu olsem CBA bai wok klostu wantaim PNG kastoms long stretim na groim dispela indastri.

Larim graun fri long givim sevis

Michael Novingu i raitim

SINGAUT i go long pipel bilong Sinivit Lokol Level Gavman (LLG) long Pomio Distrik long Is Nu Briten long noken pasim graun bilong ol, tasol long givim i go long Is Nu Briten Provinsel Gavman (ENBPG) bai wokim 7-pela kilomita rot long Kokopo i go bungim Pomio.

Presiden bilong Is Pomio LLG Herman Yareng i mekim dispela singaut bihain long 6-pela pablik seven long ENBPG i bin lus long solwara namel long Pomio Na Kokopo long Januari 2013.

Mista Yareng i tok sapos nogat kros long graun na gavman i wokim rot i go long Pomio, bai nogat kain birua olsem i kamap long ol dispela wok lain bilong ENBPG.

Em i singaut igo long ol pipel husait i papa long ol hap graun long Sinivit LLG long givim tok orait bai ENBPG i wokim rot i go long Pomio.

Mista Yareng i tok sapos rot i go long Pomio, bai planti gavman sevis i go long Pomio long kirapim gutpela sindaun bilong ol komyuniti long hap.

Em i tok 7-pela kilomita tasol i stap long wokim rot bai kamap long Pomio.

Moa yet, em i askim ol papagraun long larim na wok bung wantaim ENB provinsel gavman long wokim rot bai mekim isi long ol manmeri bilong Pomio i kam long Kokopo long wokim bisnis bilong ol.

Em i tok rot em i bikpela samting bai kisim developmen i go long ol manmeri bilong Pomio long helpim sindaun bilong ol.

Yareng i tok dispela kain pasin long kros long graun bai stopim gavman na ol arapela sevis i go long Pomio distrik, na bai lukim ol manmeri bilong Pomio bai stap turangu yet.

Long wankain taim, Gavana bilong Is Nu Briten, Eremen ToBaining Junia i sapatim singaut bilong presiden bilong Is Pomio LLG, Herman Yaren long ol papa graun bilong Sinivit LLG long givim graun bilong ol long gavman bai wokim rot long Kokopo i go long Pomio Distrik.

Gavana To Baining i tok 7-pela kilomita tasol i stap long ol bai wokim rot long bungim Kokopo na Pomio. Moa yet, em i tok mani bilong wokim rot i redi pinis, na ol i wetim tok orait bilong ol papagraun na ol bai kirapim wok long pinisim 7-pela kilomita i stap yet.

To Baining i tok ENB provinsel gavman bai peim nupela patrol bot long mani mak olsem K3000,000 long helpim karimaut wok long ol ailan na nambis ples bilong Is Niu Briten.

Emi i singaut i go long manmeri bilong ENB long wokbung wantaim em na provinsel gavman long lukim gavman sevis bai go long ol manmeri long provins, na ol i ken kirapim gutpela sindaun bilong ol.

ENBP Ragbi 7's stat pinis

IS Nu Briten ragbi sevens kompetision i stat pinis las wiken long Malaguna Teknikel Sekendri skul long Rabaul.

Presiden bilong ENB ragbi fotbol union asosiesen, Tony Namur i tok long las wiken, ol i pilaim ol trail gem i go inap long pinis bilong mun Mas.

Mista Namur i tok ol fainol long ol sisen gem bai ol i pilaim long pinis bilong mun Mas.

Em i tok start bilong mun Epril, bai sisen stret i stat.

Em i tok 12-pela tim i putim nem long pilai long dispela kompetisen tasol 4-pla team i no peim ol afiliesen fi bilong ol, na ol i rausim ol long stap insait long kompetisen.

Em i tok 8-pela tim nau i stap long kompetisen em long ol Redskins, Maltech, Rookies, Cardinals, Tomaringa Royals, Diggers, na Barbarians.

Namur i tok ol resalt bilong ol gem ol bin pilaim long las wiken i sanap olsem: long anda 15 divisen Redskin i winim Maltech Rookies wantaim sko 12-00, Cardinals i winim Tomaringa Royals wantaim sko 7-00, na diggers i winim Barbarians wantaim sko 5-00

Long Anda 19 divisen, Maltech Rookies i winim Redskins wantaim sko 35.7, cardinals i winim Tomaringa Royals wantaim sko 26-12, na ol Dgger i winim Barbarians wantaim sko 19-7.

Bagarapim meri kamap bikpela long Is Nu Briten

PASIN bilong planti man i reipim wanpla meri i no save kamap long Is Nu Briten Provins.

Tasol long las wik Sarere, ol yut long Takubar hap long Kokopo i sanap long 4-pela lain na reipim o bagarapim tupela meri.

Eking provinsel polis komanda, Superintenden, David Yapu i tok olsem wanpela yangpela meri kris-mas bilong em namel long 16 i go long 20, em ol yut i bung long reipim em long Kabaleo ples long Kokopo.

Mista Yapu i tok wanplea saspek bilong Sepik em polis i holim pasim em i stap nau long polis rum gat long Kokopo, na ol bai ol i sasim em long reipim meri.

Em i tok ol arapela poro bilong em polis i luksave long pes bilong ol bai holim pasim ol na sasim ol tu long reipim meri.

Moa yet, Yapu i tok wanpela hapkas meri i wokabaut long nambis long Takubar long 9 klok nait long Sarere.

Na wanpela yut i kisim em i go slip wantaim em pinis, na bihain em i singautim ol arapela yut i kam sanap long 4-pela lain na reipim em i go inap Sande moning.

Mista Yapu i tok olsem tupela meri ya o li kisim i go long Vunapope Haus sik na ol i sekim tupela na painim olsem planti man i repim ol.


PNG POWER Ltd

TAMBU LONG OL PAWA BOD NA ADAPTA



PNG POWER LTD I PUTIM WANPELA TAMBU LONG SALIM OL DISPELA PAWA BOD NA ADAPTA LONG OLGETA HAP LONG PAPUA NIUGINI. DISPELA TAMBU I STAP ANINIT LONG TOK ORAIT BILONG OL ILEKTRIKAL APLAIENSES BAI-LO 1971 BILONG OL ILEKTRIKAL APLAIENS.

NOKEN BAIM OL DISPELA PAWA BOD BIKOS OL I NO STENDAT, I NO SEF, NA I NO KISIM TOK ORAIT BILONG PNG POWER LTD BAI OL I SALIM LONG JENERAL PABLIK NA OLGETA ILEKTRIKAL KASTOMA. OL PAWA BOD I SAVE PULIM BIKPELA PAWA BIKOS OL KONEKSEN BILONG OL MALE PLAG I GO LONG PAWA BOD I SAVE LUS.

DISPELA I KEN KAMAPIM:

- 1. STRONGPELA ILEKTRIK SOK O ILEKTROKUSEN.**
- 2. ILEKTRIKAL HAUS PAIA**
- 3. MOA BAGARAP LONG OL ILEKTRIKAL APLAIENS BILONG YU.**
- 4. BAGARAPIM LONG PAWA SAPLAI LONG ERIA BILONG YU.**

Stap Sindaun Sef wantaim Ilektrisiti!



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province.....(abbreviation)
 Country..... Zip/Postal Code.....
 Street Address.....
 Telephone.....Fax.....
 Email.....
 Signed.....Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: **Luke MEK** (Circulation & Distribution)



GLASIM RAMU NICO PROJEK



Wanpela Ramu NiCo, Wanpela Komuniti

Wok Bung Wantaim Strongpla Bilip Long Kamapim Ramu NiCo

BIHAIN long Ramu NiCo i bin kamapim bikipela selebresin long las yia Disemba 6 makim pinis bilong konstraksen na komisin bilong Ramu NiCo Projek, menesmen bilong Kampani i nau askim olgeta wok man na meri long mas i gat bilip long ol yet na fokus long wok bilong ol wantaim gutpela tim wok long mekim dispela bikipela nikel projek insait long kantri i kamapim kaikai stret.

Dispela em wanpela bilong ol bikipela het toktok we Mista Gao Yongxue, bikipela bos bilong Ramu NiCo i bin mekim i go long ol sinia menesmen na ol wokman meri bilong Ramu NiCo long Mandé, Januəri 28 long taim ol i bin holim dispela bikipela Annual Wok Konferens bilong 2013.

Dispela konferens i bin lukim wanem wok i bin kamap long yia 2012 na tu i tokaut long wanem ol bikipela plen bilong wok bai i kamap long 2013. Olgeta sinia menesmen olsem ol Jeneral Menesa bilong Ramu NiCo long Beijing, KBK, Basamuk na Madang ofis i bin stap long wanpela video konferens. Bod Siaman bilong Ramu NiCo, Mista Zhao Shimin i bin stap insait tu.

Presiden Mista Gao i mekim bikipela toktok olsem 2013 em Yia bilong Prodaksen na em bai lukim Ramu NiCo i putim lek bilong en i go insait long intanesenel maket na resis strong tru wantaim ol arapela kampani insait long wol. Na long lukim dispela bikipela investment na bisnis long kamap wantaim gro bilong Ramu NiCo, em i laik lukim senis long sait bilong trensisen long Komisining i go long ful-operesen, na long dispela rot, i mas gat moa wok na luksave i stap long sait bilong maket bilong prodaksen, ogenaissen na kontrol long wanem mani kampani i bringim kamap na tu lukautim mani gut.

Presiden Gao i tok olsem Menesmen tim bilong Ramu NiCo na olgeta wok manmeri bai wok strong na sanap egens tripela bikipela tes long soim strong bilong ol wantaim. Namba wan (1) em long testim gutpela pasin bilong wok o profesinolism na mekim wok gut bihainim stret gutpela stendet bilong ol na moa gutpela kwaliti prodaksen. Namba tu (2) em long testim strong na save bilong menesmen na wokmanmeri long lainim ol nupela samting o teknoloji long sait bilong wok, ol nupela proses o rot long mekim wok. Na namba tri (3) em long testim menesmen bilong Ramu NiCo long soim na

kamapim gutpela menesmen long bai helivim kampani kamap strong.

Em i tok maski i bin gat kainkain birua long taim bilong konstraksen, Ramu NiCo i bin kamapim dispela bikipela projek we nambawan nikel prodaksen i bin kamap long Mas 20, 2012 na i kam inap nau, olgeta masin i wok stret na tu i gat planti wok yet long strongim wok prodaksen long kamap strong moa.

Tasol Mr. Gao i tok displa prodaksen we kamap nau i no mitim yet mak bilong em na i gat planti salens i stap na askim olgeta wok man na meri long putim han na tingting wantaim long taim ol i wokim wok.

Mista Gao i tok strong tu olsem long taim bilong prodaksen, olgeta wok man na meri i mas traिम long katim daun kost na kamapim moa prodaksen, na long teknologi sait bai ol save man i kamapim nupela save long stretim ol kainkain masin we kampani i husim tete long em.

Long wankain taim, Eksekutiv Vais Presiden bilong Ramu NiCo, Mista Gu Yuxiang, husat i stap olsem siaman bilong dispela konferens i mekim bikipela toktok i go long olgeta wokman meri bilong Ramu NiCo long bilip strong long ol yet na sanap strong wantaim gutpela pasin bilong mekim wok na kamapim gutpela kaikai long wan wan eria ol i wok long en.

"Mipela i askim Jeneral Menesa bilong wan wan Dipatmen long toktok wantaim ol wokman meri bilong yupela na setim wanpela gol o mak long wok i go long en na kamapim gutpela kaikai bilong dispela yia 2013," Mista Gu i tok.

Mista Gu i tok strong tu olsem kontribusen o wok wan wan lain i mekim na bungim wantaim em bikipela samting. Dispela bai helpim tru Ramu NiCo long lukim gutpela kaikai o kamap long gol o mak em i setim long en long dispela yia.

Siaman bilong Bod bilong Ramu NiCo Mista Zhao Shimin i passim dispela konferens wantaim bikipela tok olsem HSE dipatmen (helt, sefti na enviromen) lain i mas wok hat long luksave olsem olgeta askim bilong gavaman ananit long lo i mas kamap gut na ol bus, graun, wara na abus (environment) i mas noken bungim birua.

Mista Zhao i luk save tu olsem Komuniti Afes dipatmen i mas wok bung wantaim ol papagraun long luksave long hevi na wari bilong ol na displa bai i kisim sapot na helivim bilong ol papagraun i kam long Projek.



2013 Annual Wok Konferens long Madang bikipela opis



Grup poto bilong ol wok lain long Basamuk bilong 2013 Annual Wok konferens



Grup poto bilong ol wok lain long Madang Opis bilong 2013 Annual Wok konferens



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biling i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komuniti

Kerowagi rot i no sindaun orait

David Bill Leo i raitim

PLANTI hevi save kamap long rot i go olsem long Kangir namel long Kerowagi Distrik long Simbu Provins.

Tok i kam long foma memba bilong Kerowagi na Minista bilong Defens, Guma Wau olsem dispela graun bruk i bin kamap long Oktomba 2012 kam inap nua winim foapela mun.

Wau i save olsem memba bilong Kerowagi i givim bak-sait long stretim na lukautim ol pablik husat yusim dispela rot.

Em gat bikpela wari olsem rot i no stap long gutpela sindaun long wanem rot i sevim ol manmeri long Kerowagi Taun, ol Bisnis haus wantaim ol namba wan sevis bilong gavman olsem Kerowagi Sekendori Skul, Helt Senta, Distrik Edministresen, polis bareks na planti haus

lain long hap.

"Planti taim long hap i gat wan kain hevi save kamap na tu long taim bilong mi long 2008, mi save hariap tru sapatim ol long rausim ol pipia na stretim rot namel long tripela wik.

"Maski i gat sampela asua long baset bilong Distrik Sastanabol In-fraksa Plen, mi bin go het long plenim bikos em i sevim namba wan gavman sevis wantaim 40, 000 pipel long Silku-Kamaneku, Dagle, Pagau, Sambuga na Bindiku-Girai.

"Mi lusim opis wantaim K3.5 milien long Distrik Tresuri Opereting Akaun. "Sapos memba sutim tok olsem nogat sapat mani long hap, orait dispela mani bilong pipel mas go insait stret long praivet poket," Wau i tok.

Em i save olsem moa long dispela, i gat distrik divelomen sapat mani na ol samting bi-

long wok tu long stretim rot hariap.

Wau i wari olsem nau stori i no go stret wantaim nupela memba i bi-hainim narapela rot olgeta na i no soim pasin olsem memba bilong Kerowagi.

Em i bikpela asua olsem memba i pasim ai na wokim ol arapela wok we inap long kam bak-sait na dispela i soim olsem pasin bilong politik i stap yet wantaim em.

Dispela hevi i afektim wokabout bilong ol pablik husat i yusim rot namel long Kerowagi na arapela eria long Simbu na olgeta hap long Hailans.

Olsem skul taim bilong nu yia i kam klostu, em i namba wan long stretim kwik dispela rot na larim pablik long yusim.

Em i nau bikpela wari long husat ol gat pawa long noken pilaipilai bikos dispela em i no stretpela pasin long holim pipel long Kerowagi kamapim moa birua long PMV rot.

Hailans agrikalsa kolis givim rais fama trening

RAIS i kamap olsem kaikai bilong olgeta de long planti famili insait long PNG, tasol kantri i save tromoim bikpela mani long baim rais i kam long ausait olsem long Australia.

Gavman bilong Saina, Japan na Taiwan i wok long helpim ol asples pipel long sampela hap bilong kantri long groim rais bilong famili kaikai na tu, long salim sapos ol i gat moa.

Wanpela agrikalsa

kolis long Hailans rijen i gat plen long groim na kamapim moa rais long dispela yia.

Hailans Agrikalsa Kolis long Ati, Westen Hailans provins i plen long kamapim 18 ton rais long namel bilong dispela yia.

Ol i planim pinis tripela hekta graun eria wantaim rais long inapim taget plen bilong ol.

As tingting long planim rais em long katim i go daun kos bi-

long baim rais long stoa na tu, helpim pipel long planim rais bilong ol yet na sevim mani.

Ol sid bilong rais we ol i planim long en em ol i kam long bikples Saina we ol i tok em ol bes o gutpela moa rais ol i kisim i kam na groim long PNG.

Wanpela teknikel tim bilong Saina i stap nau long Saina long giivim trening i go long ol fama long groim kwaliti rais.

Ati Agrikalsa Kolis i

ken saplaim ol sid bilong rais long planim na tu, givim trening i go long ol rais fama.

"Mipela i saplaim ol givim ol sid bilong rais long ol fama na ol narapela pipel husat i gat laik long groim rais," Fam Menesa long kolis, Gibson Simon i tok.

Em i tok ol i givim trening pinis long moa long 100 fama husat nau i wok long planim rais long ol gaden bilong ol.

ENB mas sabsidaisim kopra prais

...Salim moa polis long Duk ov Yok

Michael Novingu i raitim

Pasin bilong wokim hom bru, dringim na salim i kamap strong long Duk ov Yok Ailan long Is Nu Briten Provins.

Pastaim Wod Kaunsela long Kababia ples long Duk ov Yok Ailan, Neil Rubia i tok ol yut long Duk ov Yok Ailan i save wokim hom bru i dringim na kirapim pasin nogut long ailan na bagarapim sindaun long komyuniti.

Mista Rubia i tok olsem i nogat inap polis long Duk ov Yok Ailan na tu, ol i nogat ol samting long karimaut wok bilong ol.

Emi singaut i go long ENB Provinsel Gavman long salim planti polis manmeri wantaim ol samting bilong wok i go stap long ailan, na bai ol i karimaut wok bilong ol long stopim pasin nogut i noken kamap long ol komyuniti long ailan.

Long wankain taim, Mista Rubia i singaut long Is Nu Briten Provinsel gavman long sabsidaisim prais bilong kopra i go daun long K20.00 long wanpela bek i no stret long ol.

"Mipela i save kisim strong long kopra, kakao na pis long lukautim sindaun bilong mipla. Moa yet nau, prais bilong kopra i pundaun na sik bilong kakao pod bora i bagarapim kakao. Na

nau em no gutpela taim long painim pis i mekim hat long lukautim sindaun bilong mipela," Mista Rubia i tok.

Em i tok skul bilong ol pikinini bilong ol bai stat long nex wik na planti pikinini bilong bilong ol bai no inap go long skul bikos ol papamama i nogat inap mani long peim ol skul fi bilong ol.

Em i tok nogat fri edukesen, ol bai peim ol skul fi olsem ol projek fi.

Rubia i singaut long ENB provinsel gavman long helpim ol i daunim ol projek fi long skul bikos ol i nogat kopra, kakao na ol arapela samting long salim na kisim mani long peim ol projek fi bilong ol pikinini bilong ol.

Tavurvur pairap no gutpela long pablik na bisnis

Michael Novingu i raitim

TAVURVUR Maunten paia long Rabaul i pairap las wik na i go het yet long pairap, tasol i no pairap bikpela long 24 aua i go pinis olsem ol arapela taim em i save pairap.

Ripot i kam long Rabaul Haus guria i tokaut olsem Tavurvur i tromoim ol liklik blekpela na waitpela smok wantaim das i go antap olsem 700 mita.

I wok long pairap liklik las wik Fraide long 4.30 apinun na long 2.30 long moning.

Rabaul haus guria i tok olsem waitpela smok na blekpela das win i kisim i go long saut na is sait namel long Pigeon Ailan na Cape Gesel na Tokua hap long Is Nu Briten.

Ol i tok ripot ol i kisim long masin bilong ol we i save kisim toksave long guria bai kamap, i soim olsem pairap

bai kamap, tasol bai no inap pairap bikpela.

Ripot ya i tok long sotpela taim nau ,pairap bilong Tavurvur bai go het.

Moa yet, ripot i tok olsem Tavurvur bai pairap yet long ol taim i kam i soim long GPS masin bilong ol i stap long Matupit Ailan long Rabaul.

Ol wok lain long Rabaul haus guria i tok lukaut i go long ol manmeri long Rabaul distrik long noken go klostu long maunten paia.

Moa yet, ol i askim ol manmeri long harim tok na bihainim, nogut ol i kisim taim nogut long das bilong maunten paia.

Long wankain taim Air Niugini i stopim ol balus bilong em long pundaun long Tokua ples balus inap Tavurvur i stop long pairap.

Tasol ol arapela balus i wok long mekim ron bilong ol i kam na i go aut long Tokua ples balus.

Das stopim ron bilong Air Niugini balus

OL ron bilong Air Niugini balus i kam na go aut long Tokua ples balus long Is Nu Briten em ol i stopim long sotpela taim bikos Maunten paia Tavurvur i wok long toromoi das i mekim balus i no nap long pundaun.

Ol woklain long Air Niugini long Kokopo i tok olsem Air Niugini bai wokim tupela ron long dispela wik Trinde na Fonde long kisim ol pasindia long Is Nu Briten i wet i stap long Kavieng long go long Pot Mosbi.

Moa yet, ol i tok sapos i gat planti pasindia i stap yet, Air Niugini bai wokim wanpela moa ron long dispela wik Fraide long kisim ol pasindia i go long Pot Mosbi.

konfemin ol tiket bilong ol wantaim opis bilong Air Niugini, na ol travel ejen i stap klostu long ol.

Em i tok tu olsem Air Niugini bai no inap long sasim ol penelti fi long ol pasindia.

Long wankain taim, Is Nu Briten Samba ov Komes i stretim pinis toktok wantaim Rabaul Siping long wanpela sip bilong ol bai kisim ol pasindia long Is Nu Briten long go long Kavieng, na ol bai kisim balus i go long Pot Mosbi.

Moa yet, ol i tok olsem sip bai lusim bris long Rabaul long dispela wik Tunde, na husat manmeri i laik go long wokim ol buking bilong ol wantaim Rabaul Siping kamapani i ken mekim nau.

Niu Yia Flight Frenzy

Port Moresby ↔	Lae	K 199
Port Moresby ↔	Popondetta	K 199
Port Moresby ↔	Alotau	K 269
Port Moresby ↔	Hagen	K 289
Port Moresby ↔	Goroka	K 279
Mt. Hagen ↔	Tari	K 199
Mendi ↔	Tari	K 149
Moro ↔	Tari	K 149
Port Moresby ↔	Tari	K 349
Mt. Hagen ↔	Wewak	K 189
Port Moresby ↔	Wewak	K 459
Port Moresby ↔	Moro	K 269
Port Moresby ↔	Brisbane	K 419
Port Moresby ↔	Cairns	K 279

Ol dispela tiket olgeta i wan wei tasol na yu mas flai namel long January 27 na March 22, 2013
Dispela ol tiket i karim ol ruls blong balus tiket. Ol i salim ol tiket long W klas tasol.
Nogat planti sit. Na yu ken baim tiket long January 23 igo long 13 February 2013
Rul long baim tiket tripela dei pastaim long yu iflai istap tu.



Ringim 16111/72222151 or visitim www.apng.com

Airlines PNG

COME FLY OUR WAY

- PORT MORESBY - Level 1, Pacific Place, 321 3400
- Vision city 737 34250
- MT. HAGEN - Central Highlands Printers, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5980
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Travel Line Limited, 717 42306
- RABAUL - Rabaul Hotel, 982 1999

Beta bilong Price Water House Coopers i paitim dispela bal tasol i no kisim em kam hom long Koporet sofbol resis long Sarere.



Ol Spot Eksen poto long wiken...

Ol Poto Nicky Bernard.

HOLIM NA HOLIM GUT: Pilaia bilong Hila Kelis tim, Jumu, i holim strong pilaia Eastenders, Loto Baaz Nokondi ov sisen ragbi long Mosbi.



Pitsa bilong PNG Power i mekim liklik ekseais long redi long tromoi bal, dispela koporet sofbal ol kolim long isi tromoi.

SEASON PROPER - ROUND ONE, GAME SEVEN & ROUND TWO, GAME ONE

Saturday, 2 February 2013
DIAMOND ONE

TIME	TEAMS	TEAMS	GRADE	REMARKS
8.00 - 9.15	Admiralty	v Stingerz	B	R1G7
9.15 - 10.30	Admiralty	v Stingerz	A	R1G7
10.30 - 11.45	Chebu	v Gazelle	A	R1G7
11.45 - 12.30	BREAK	BREAK		
12.30 - 13.45	Chebu	v Wolves	B	R2G1
13.45 - 15.00	United Sisters	v Bears	A	R2G1
15.00 - 16.15	Stingerz	v Wolves	A	R2G1

DIAMOND TWO

TIME	TEAMS	TEAMS	GRADE	GRADE
8.00 - 9.15	Gazelle	v Wantoks	B	R1G7
9.15 - 10.30	United Sisters	v Chebu	B	R1G7
10.30 - 11.15	BREAK	BREAK		
11.15 - 12.30	Admiralty	v Bears	B	R2G1
12.30 - 13.45	Stingerz	v Gazelle	B	R2G1
13.45 - 15.00	Gazelle	v Admiralty	A	R2G1

DIAMOND THREE

TIME	TEAMS	TEAMS	GRADE	GRADE
8.00 - 9.15	Wolves	v Bears	B	R1G7
9.15 - 10.30	Wolves	v Bears	A	R1G7
10.30 - 11.45	United Sisters	v Wantoks	A	R1G7
11.45 - 13.00	Wantoks	v United Sisters	B	R2G1
13.00 - 13.45	BREAK	BREAK		
13.45 - 15.00	Wantoks	v Chebu	A	R2G1



NETBOL: Wing Atek bilong Kina Fines i traिम long kisim bal taim Gol Difenda bilong Fedil Liga i traिम long rausim long em long Praivet Nebol resis.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Central Waigani, NCD.



TAIM BILONG MAKIM: Bipo wina bilong SP Awod Ryan Pini, Spot Minista Justin Tkatchenko na Bos man bilong SP Bruri Stan Joyce i soim nominesen pepa long lonsim SP Spot Awod i op. **Poto Nicky Bernard.**

SP Spot Awod kamap gen

Nicky Bernard i raitim

SAUT Pasfik Bruri (SP) awod i kamap gen bilong dispela yia, na em i taim bilong resis gen long winim ol awod bilong ol spot manmeri na tim.

Taim bilong makim ol gutpela spot manmeri na tim i op nau, na sapos yu ting wanpela spot manmeri o tim yu ting i

mekim gut na mas winim dispela awod, yu ken makim na salim kam.

SP Bruri bin sponsaim dispela awod longpela taim nau na dispela yia em bai namba 21 yia ol sponsaim ol gutpela spot manmeri na tim.

Dispela yia bai gat 14-pela katogori long winim na dispela bai gat planti sans long ol spot lain long makim wanem ol tim

na manmeri long winim.

Spot Minista Justin Tkatchenko, bin opim dispela resis long opis bilong SP Bruri long Tunde nait long ai bilong sampela ol liklik sponsa.

Bosman bilong SP Bruri Stan Joyce, i tok PNG i gat planti ol gutpela yangpela spot manmeri na SP Bruri i amamas gen long luksave long pilai bilong ol.

Ryan Pini, bin stap long dispela nait tu long sapatim ol yangpela manmeri husat i ting em pilai gut long 2012 PNG Gems long salim nominesen bilong ol kam insait.

Dispela yia planti bilong ol binis haus bin kam insait long sapatim dispela awod, ol kain lain olsem, Air Niugini, CPL, Crowne Plaza, EMTV, FM100, Grafitti Signs na Theodist.

Kopa Cauldron bilong London Olimpik kam suwa long PNG

LONDON Ogonaising Olimpik komiti na PNG Spot Federesen i kisim wanpela bikpela presen i kam long London Olimpik Gems long dispela wik.

British Hai Komisina bilong Papua Niugini, Her Excellency Jackie Barson, bin go prisentim

long ol long Tunde dispela wik.

Dispela presen em wanpela bilong 204 kopa kapa we bin lait long Olimpik Gem long London long yia i go pinis.

Dispela hap kopa tu em wanpela liklik mangi long London bin karim go pas taim em

kisim tim PNG go insait long opening seremoni.

Tim PNG bin stap insait long 204 ol narapela kantri husat bin go resis long London Olimpik Gems.

Presiden bilong PNGS-FOC, Se John Dawanincura i

tok tenkyu long British Hai Komisina long bringim dispela presen i kam long ol.

Ryan Pini, Nelsen Stone na Theresa bin stap tu long kisim dispela presen long han bilong British Hai Komisina.



TENKYU BRITISH: Nelsen Stone, British Hai Komisina Jackie Barson, Ryan Pini, Se John Dawanincura na Theresa Tona i soim dispela hap kopa we paia bin lait long em long taim bilong Olimpik long London. Dispela hap Kopa ol British bin salim kam olsem presen bilong PNG long pilai long London. **Poto Nicky Bernard**

Export Laga PNG Pukpuk 7 winim Plet fainol

PNG Pukpuk 7s husat bin go pilai long Darwin Hottest 7 long Australia long dispela wik bin mekim gut tru long karim nem bilong Papua Niugini taim ol winim plet long fainol pilai bilong ol.

Ol bin lusim Australia Dvelopmen tim 24-22 na go daun long pilai long plet na winim Australia NT 31-0 long fainol bilong plet.

Planti bilong ol Export Laga PNG Pukpuk em ol yangpela mangi na ol gat planti spit long dispela tim bilong taim ol go daun long Darwin Australia.

Ol Export Laga Pukpuk kam bek long kantri long Mandel as wik wantaim plet trofi bilong ol na 6,000 Australia dola we inap olsem K13,000 long PNG.

PNGNRL Digicel kap refri bai kisim skul

PNGNRL Digicel kap refri progrem ol plen long kamap long Febuari na Mas bipo long ragbi pilai bilong Digicel kamap.

Jenerel Menesa Hubert Warupi, i tok dispela skul o kos em bilong ol Digicel kap refri tasol long redim ol yet, em i tok ol refri em ol ki bilong lukautim pilai na dispela skul em bilong impruvim ol yet long dispela bikpela kompetisen.

Warupi, i tok long Febuari ol dispela refri bai go insait long strongim save na fitnes bilong ol, na long mun Mas ol dispela refri ol makim bai go insait long refri progrem long redim olgeta samting bilong pilai long Epril 7, 2013 Digicel kap.

PNGNRL nau i tingting long kisim planti ol yangpela mangi husat krismas bilong 18-25 long lainim wok refri long wanem planti bilong ol dispela

refri i lapun pinis na tu em klostu taim bilong ol long malolo.

Sapos yu yangpela na yu gat save long rul bilong ragbi na yu laik refri, yu ken ringim Guma Opi, presiden bilong ragbi refri long PNG long 70306887 em man i go pas long luksave long yangpela na gutpela refri.

Guma tu i tokaut pinis long ol skul bilong ol refri bai kamap long Pot Mosbi na Goroka long Febuari 22 na Mas 4, dispela kos em bilong ol nupela na olpela refri.

Em tok tu olsem klostu bai Digicel kap resis bai stat na ol PNGNRL bai makim ol refri long givim skul tu long ol long mun Febuari.

Guma, nau i singaut go long ol dispela refri husat i rejista pinis long baim fi bilong ol long K50 hariap na ol bai stretim olgeta pepa wok long karim skul.




ISI LONG EM: Ol pilaia bilong Hens Bradas i hapim Bradahod pilaia na traim long tromoi em go daun long Baaz Nokondi ov sisen ragbi long Pot Mosbi. Poto Nicky Bernard.

Baaz - Nokondi ov sisen kamap strong

Nicky Bernard i raitim

BAAZ – Nokondi ov sisen ragbi bai kam klostu long fainol na planti tim insait long dispela kompetisen i wok long pilai strong long kisim tim bilong ol i go insait long top 8.

Dispela kompetisen bilong ol Isten Hailans i pulim planti ol haus lain bilong ol long mekim tim bilong ol long pilai long dispela kompetisen.

Baaz Amaiu husat i gat 9-pela krismas tasol i kamap bikpela sponsa bilong dispela ov sisen ragbi bilong ol Nokondi haus lain long Isten Hailans, em i putim K20,000 win mani na sampela sponsa i helpim em long ol narapela rot.

Dispela kompetisen bin ron long sampela yia nau, na olgeta yia planti ol nupela tim bilong Isten Hailans save putim tim bilong ol long resis long dispela ov sisen ragbi resis.

Olgeta wiken dispela PRL graun autsait save pulap long ol manmeri na pikinini bilong ol Isten Hailans, planti bilong ol tim tu em ol wanpela haus lain, tasol ol stap nabaut long ol sabem insait long Mosbi.

Presiden bilong Baaz- Nokeondi, Benny Kene i tok dispela kompetisen bilong ol i save pulim planti manmeri na pikinini long wanem ov sisen ragbi bilong ol save bihain rul bilong pilai ragbi, olsem na ol kisim ol refri bilong PRL stret long refim pilai bilong ol.

